



















Ex Lib. J. Pontii Med. Mompeliensis.

Sequentia dicit Conringius de hoc libro.

Germania nostra quae supplet celeberrima  
nomina: Concerum. vid. introd. ad med.

51288/B

CU



AUGUSTINI THONERI, D.  
COLLEGII MEDICI DIRECTO-  
RIS AC SENIORIS, ET GYMNASII  
ULMANI SCHOLARCHÆ,

*Appendix*

EPISTOLARUM  
MEDICINALIUM:

Quæ pro Mantiffa, cùm Observationes  
illius ante annum secunda vice prælo subjectæ,  
cæteris, ob angustiam temporis, incorporari  
non potuerunt, jam seorsim sunt  
excusæ:

*Cum adjuncta querimonia, ad omnes Philiatros,  
æquitatis & veritatis amantes, adversus quendam  
Antagonistam.*

ss (o) ss



T U B I N G Æ,

Typis JOHANN: ALEXANDRI CELLI.  
Impensis JOHANN: HEINRICI REISI.

Anno M. DC. LIII.









*Epistola 1. Querula, ad omnes candidos & veritatis amantes Philiatros, adversus quendam Zoilum.*



Um quidam juvenis Medicus extraneus, in sua rhapsodia Pharmaceutica, dum in meis Observationibus Medicinalibus quædam inserta reperiret, à Patris illius sententia dissentanea, præsertim de Syrupo Emetico Antimoniato, Angeli Salæ, in Peste exhibendo (NB. Controversia est tantum de Peste) quem veluti tutissimum, & ipsis etiam infantibus minimè noxium esse, asseverare non dubitavit: Quæ assertio tum erat à mea sententia aliena, cum Pestis curam auspicari ab Emeticis, tam validis, sit periculosum & exitiosum; cum vomitus, si spontè Pesti superveniat, sit prodromus mortis, & potius inhibendus, quàm promovendus.

Annon ἀλογον, & experientiae contrarium, vitiosos humores à circumferentia, & parte ignobili, ad centrum, ipsum ventriculum & cordis viciniam, ceu membrum princi-

pale, præcipitare, & lethales alvi fluxus causare, ad quos alias Peste infecti sunt propensi: cum à veneno pestilenti, septica ac putrefaciendi qualitate instructo, omnes promiscuè humores, tam nutritii quàm excrementitii, corrumpantur, & ad fluxus colliquefactivos disponantur?

Pestis medela non consistit in tumultuaria & valida corruptorum humorum, sursum & deorsum, agitatione, & evacuatione: sed in dextra Alexiteriorum administratione, materiam malignam infringendo, eamque per hydrotica & diaphoretica, antidotali qualitate dotata, discutendo, ac resolvendo. Siquidem opus esset aliquâ evacuatione, per vomitum & secessum, an non consultius eam tentare per pharmaca benigniora, quàm per tam violenta naturam turbare, & agros in Cymbam Charontis præcipitare? Et hæc non ullo contradicendi pruritu, sed fidelis admonitionis & præcautionis loco, illic adducta fuere. An eo no-



mine sim objurgandus, appello & provoco ad tribunal impartialium Medicorum?

Exin Filius, non jure causæ, sed vindictæ aviditate, vel potius invidiæ stimulo, agitatus, & summa animi elatione impulsus, dum supra omnes alios eminere contendit, illas scopticè magis & sophisticè, quàm rationabiliter, suo calamo perstringere non est verecundatus. Cum autem ego defendendæ meæ dignitatis, & asserendæ veritatis gratia, Apologiam sim machinatus, & omnia illius levicula objecta, & falsissimas insimulationes solidis rationibus (ita planè confido) refutassem, & ad prælum adornassem, jamque opusculum absolutum, Typographo committendum; ecce interventu, & suadela, quorundam amicorum, remora est objecta ne publicaretur, cum illius objecta omnia ita comparata, ut refutatione indigna æstimanda, cum sint falsæ insimulationes potius, cavillationes, & sophisticæ exagitationes, quam probabiles rationes censendæ? & haud decorum sit, tam grandævum Medicum, annum 86. dudum ingressum, cum Juvene contendere, generosiorisque animi esse, tolerare injuriam & calumniam, quàm vindicare.

Proin re ultrò citroque ventilata, pacis amore, & quietis studio,

passus sum mihi persuaderi, & me advocari ab intento, eò magis, ut parcerem memoriæ Patris, ne ejus fama & existimatio violaretur, per litigium illud literarium, ob recordationem humanitatis & benevolentia, qua me olim collegam, ultra 20. annos, in Republ. Ulmensi, visus est complecti, dum in privata conversatione, vix biennii spacio, ante suum ex hac vita excessum, in præsentia alterius collegæ adhuc superstitis, & auriti testis, palàm sit professus, se me honorare & habere pro ornamento Collegii, non tantum ob senilem ætatem (& tùm multò junior eram) sed & alias qualitates, atque hujus sermonis Testis etiam sit Deus immortalis. Quod si meas Observationes perlustrare contigisset, in multò majori æstimmio habuisset.

Modò, Antagonista ille meus, mihi non objecisset trimestrem oscitantiam, quod, in curando *Dn. Meckelio*, calculum in vesica delitescentem non observarim, ni ab alio admonitus. O falsissimam insimulationem! silentio haud prætermittendam.

Candidum quare Lectorem, per amorem Dei & veritatis, obtestor, adeat meas Observationes, & inquiret, contrarium luculèter comprobatum deprehendet, & oscitantiam



tiam illam non mihi, sed cuidam Medico & Lithotomo, se mihi in vera crisi opponentibus, assignandam, cognoscet, & falsitatem illam suo Authori, in ævum exprobrandam sentiet.

Casus ille descriptus extat lib. 3. mearum Observ. Observ. VI. pag. 179. sub titulo: *Ecclesiastæ Vlmensis, in Summo Templo, Dysuriâ & Ischuriâ laborantis.*

Si ille unicam illam luculentam falsimoniam omisisset, cætera scommata neglexissem, nec ullam Apologiam adornassem. An hoc sit boni Viri, judicandum committo omnibus Viris bonis? Senem, penè 86. annorum, in dignitate constitutum, à Juvene Medico, citra ruborem ac pudorem, tam indigno modo tractari, per falsas insimulationes, sophisticas Objectionunculas, & finistras interpretationes, pleraque in alienum sensum detorquendo, exagitari. Sed hæc omnia, hæc vice, moderato animo prætermitto, & planè confido, sicut Aurum liquatum igne non denigratur, sed magis splendet: Ita meas Observationes, illius sophisticis & ridiculis exagitationibus, non inquinari, quin potius clarescant.

Cum adversarius ille meus, ab adolescentia, ob animi elationem, & alios carpendi libidinem, malè audire solitus, ut catus vix tanto studio

invigilet muribus capiendis, quanto ille desiderio flagret, Medicis carpendis.

Obtigit illi à natura insolens ingenium, id exerens maturè in ipsa juventute, dum supra omnes alios se efferre visus. Etenim cum Juvenis, vix 24. annorum, adhuc Medicinæ studiosus, nondum promotus Doctor, in Disputatione inaugurali de Gradu, Clariss. Dn. *Danielem Sennertum*, Professore Witebergensem celebratissimum, & de Facultate Medica summè meritum, jam Seniore, & in vita adhuc superstitem, calami sui acumine pun gere non sit verecundatus, quem tamen veluti Præceptorem venerari debuisset, etsi tum à quodam amico admonitus, ne tantum indecorum committeret, aut se remorari passus non est: cum, in sublimi sua Phantasia, se majorem putaret carpendo Virum Magnum, haud meritum.

Si olim Juvenis Clariss. D. Sennerto, nulla præcedente offensa læcessitus, non pepercit, nihil miri, si & mihi insultare, & ob vindictæ cupiditatem, in meas Observationes, à Philiatris passim summè celebratas (ut literæ ad manum id testantur) non solidis rationibus intonare, amore scil. veritatis procedendo, sed, more calumniatorum, ad fallacia & scoptica deflectendo.



Ego ipse, ante complures annos, illius Theses, de Cephalalgia, quasi attonitus legi, in quibus D. Sennertum erroris insimulare non dubitavit, quasi in illius definitione fuerit hallucinatus, utrum verè? non excutio: At quamvis error aliquis commissus fuisset, tamen honoris & respectus causa, in publico confesso, Viro tam præclaro, parcere debuisset, eò magis, cum concertatio de re haud magni momenti: Id factum cum admiratione & indignatione Philiatorum, qui etiamnum hodie, quoties illius indecori incidit mentio, id detestantur, cum auctoris haud magna gloria.

Cum ex prima illa velitatione, discreto Medico facilè patefcat, quàm leviculis & infirmis machinis, meus Antagonista usus, ad meas Observationes infringendas: si in posterum æquè futilia & falsa protulerit in medium, & indigno modo melacessere perrexerit, coram omnibus, impartialibus & benignis Lectoribus, solenniter protestor, culpam mihi non imputandam, aut vitio vertendum, si me pro virili opposuero, haud reformidans talem sophistam, veritatis panoplia instructus.

Si meæ Apologiæ lucem videre contigisset, tum, in specie, opere ipso demonstrassem, oculos mentis, in tam grandævâ ætate, adhuc adeò

perspicaces, ut illius fallacias facilè cernere, & refellere, sit in promptu: Et tum, æquo Lectori, censuram commissem, cui parti Palma, in isto duello, adjudicanda foret, ni aliorum intercessione & persuasione fuisset impeditus.

Proin, parcat Filius memoriæ Patris, si mihi parcere nolit, quo utriusque existimatio facta tectaque permaneat, manes illius salvos, in sempiterna requie, relinquens, animi sui elationem, & impotentiam mentis, coercendo.

Nullus dubito, quin ipse Pater, si redivivus fieri, humanis oculis se aspectabilem præbere, & sermocinari posset, Filium gravissima castigatione sit reprehensurus, quod defensio illa suscepta, neutri parti honorifica, quin potius gravis offensio censenda! dum non solidis rationibus repugnare, sed indiscretè, præraque, leviculis objectiunculis agitare, falsis insimulationibus gravare, indignis cavillationibus conspurcare, & sinistris interpretationibus obfuscare, sit solitus.

Sed jam justam meam querelam finio, calamum sisto, & candidis Lectoribus æquam censuram committo.



## EPISTOLA II.

*Ad quendam primarium Medicum, de prunis,  
Utrum eorum usus noxius, & dysenteriam  
concitet?*

CUM Adversarius ille, in meis observationibus, quæ laudanda, carpere non sit verecundatus, & quidem Juvenis, quidnî grandius illud & perniciosum paradoxon, cujusdam Neoterici extranei, in omnes alios Medicos inveci, contrarium statuentes, *pruna dysenteriam non causare*; annon illa opinio à ratione & experientia aliena, omnibus in toto orbe ingenuis Medicis, judicandum committo?

Nemo sanæ mentis abnuat, quin pruna, cruda præsertim, copiosè ingesta, & quibus obtigit ventriculus imbecillior, diarrhœam à serosis humoribus concitatam invehant, nec à ratione alienum, quin cum faciliè corrumpantur & putrescant, ut exin acquisita acrimonia, dum diutius in corpore morantur, tunicas intestinorum tenuiores, sua nitrositate exulcerare, & dysenteriam etiam causare valeant? Cum prunorum variae species, facultatibus differentes, alia majorem noxam inferentes. Exin multis in locis à Magistratu, haud dubie consilio Medicorum, plarorumq; prunorum (exceptis Dama-

scenis) venditio est prohibita. Recordor me ante annos septuaginta, Græcii, Stiriae Ducatus Metropoli, aliquot species invecas, mandato Judicis à lictore in foro dissipatas, conspexisse, quod exitiosum alvi fluxum concitent. Exin haud rectè ille damnat *Edictum Caesaris Augusti*, ne pruna in Urbem Romanam importentur, quia dysenteriam causare crediderit, sed non solam, quin & alvi fluxum concitent; & sanè verè credidit, sine dubio consilio Medicorum, & experientiae fide impulsus.

Annon temerarium existimandum, refragari Experientiae? Ambitio veritatem invertit, & leviculis ratiunculis etiam majorum Gentium Medicis obstrepat. Falsa est illius hypothesis, quasi dysenteria à biliosis, viscosis tantum humoribus producat, & à frigida ac humida prunorum qualitate præcavenda potius, quam promovenda: Sed quin & à pituitosis & falsis humoribus æquè scaturiat, & pruna sua falsugine & nitrositate, si corrumpantur, majore acquisita acrimonia intestinorum tunicas vellicando, nimis abster-

gendo.



gendo & abluendo eas corradant, & exulcerent, ad minus effrene alvi profluvium promoveant? Videtur absurdum statuere, pruna ob succum aqueum non diu morari in intestinis, nec ob lentorem adhærere, ut exulcerare possint; id erroneum censendum, quin ob solidam & compactam pulpæ substantiam, crassitiem & lentorem, sat diu cunctentur, & indigesta intestinorum involucris adhærescant, & tandem corrumpantur, & acrimoniam acquirant, cui insita corrodingi & exulcerandi facultas, ob nitrosam qualitatem.

Etsi pruna, in primis damascena, modicè comesta, si causa biliosa, interdum alterando & abstergendo prodesse valeant, sed in copia deglutita, an non rationi consonum, & experientiæ congruum, ad minus diarrhæam, etsi rarius dysenteriam concitare posse? Provocarem ad impartiales Medicos, ut candidè judicent, an non præcitata rationes potiores ac robustiores & experientiæ suffragantes? Cum illius discursus copia, me incio, Viennam Austriæ cuidam Medicinæ Candidato trans-

missa, qui re cum primariis Medicis communicata, eorum requirens iudicium, in sua responsoria, hæc verba formalia inseruit. *Excell. D. D. Thoneri iudicium de prunis MIRE probatur Medicis Viennensibus; nam & apud nos eorum usus (exceptis Damascenis) est prohibitus; non solum rationibus, sed ipsamet experientia etiam, quæ fidem facit, est compertum, horum comestione frequentiore sæpius diarrhæam, rarius dysenteriam, & quidem contagiosam, subsecutam fuisse. Cum & ego cujusdam Medici celebris, primariæ Reipubl. Imperialis, de prædicto discursu, censuram efflagitasset, ita respondit: Pruna cruda, copiosius ingesta, facile putrescere, & corrumpi stomachum, & intestina ledere, diarrhæas & dysenterias excitare, lippis & tonsoribus notum, unde à Magistratibus, in rebus publicis benè constitutis, & vigilantibus, ea, damascenis exceptis, merito proscribuntur, & à foro excluduntur, ne malum Epidemicale inferant; sed jam calamum sisto, & istam controversiam candidis Philiatristis censendam committo.*

### EPISTOLA III.

Ad amicum, *Quanti sit estimandus Medicus Rationalis, & aliis preferendus?*

**V**Erè Hippocrates, libello de decenti ornatu, literis tradidit;

*Medicum φιλόσοφον εἶναι, ἰσὺς θεοῦ Deo equalem.* Cum talis sit sapientia dotatus



tatus, virtutibus exornatus, & variarum rerum atq; scientiarum cognitione instructus, qui hominis naturalem totius corporis constitutionem, non tantum in genere, sed & cujusque individui singularem partium temperaturam investigare, & si ægrotare cæperit, morbi essentiam cum ejus causis indagare, exin Methodum medendi venari, & universalia theoremata applicare sciat, ad casus particulares.

Quin & talis Medicus debet esse peritus in prognosticando, utrum morbus terminandus in salutem vel mortem? ad præcavendas calumnias, & majorem authoritatem ac confidentiam sibi conciliandam. Ad illam cognitionem comparandam requiritur, ut in doctrina crisium sit exercitatus. Tantarum rerum omnium exactam scientiam haurire licebit ex fonte solertissimi Galeni. Annon talis Medicus maximi æstimandus, & celebrandus? Sed quid Empirici, Medicastrum, & plerique Alchymistæ? omnia ista tam præclara, ex socordia vel hebetudine mentis negligunt, & spernunt, qui non præcognita ægri Natura, nec essentia morbi cum causis explorata, audito tantum nomine morbi, ilicò Medicamenta suppeditant, quæ tamen medicationes merè fortuitæ sunt æstimandæ. Etsi non rarò rudes Empirici ab Idiotis,

ob intellectus imbecillitatem, præferantur præclarissimis Medicis.

Galenistæ reales, non nominales, laudibus sunt extollendi, & in magno precio habendi, non qui titulum Galeni gerunt, sed qui opere ipsum imitantur, juxta illius præceptiones praxin dextrè instituentes. Malè audiunt Galenistæ complures, quod in medendo haud felices; causa & culpa ipsis imputanda, quatenus nomine, non re, Galenistæ, cum ex magno numero admodum pauci, præsertim in Germania comperiantur, qui vel leviter tantum opera Galeni perlustrarunt, juxta illius normam praxin exercentes; plerique Medici, Galeni dogmata profitètes, sunt tantum uromantes, ex lotio ratiocinantes, inani dicacitate simpliciores convenire, & fallere soliti, tumultuariis purgantibus morbos curare annitentes, neglecta exacta cognitione morbi, ejusque causarum, & methodica medendi ratione, exin nihil miri, si sæpius sinister eventus verendus. Ego asseverare ausim, si quis in Galeni monimentis probè versatus, in dignoscendis & curandis morbis, secundum præcepta illius, cum judicio processum instituat, eum prospero successu medicari, sive sit Galenista, sive Alchymista. Multi ex præconcepta sinistra opinione taxant Galenum,

B

cujus



cujus tamen scripta nunquam vel extremis labiis degustarunt, nedum interius nosse laborarunt, aliorum calumniis fidem adhibentes. Galeni

scripta citra præjudicium perlustra, justo pondera judicio, priori mutata sententia palinodiam cantabis, & *λογάλην* evades.

## EPISTOLA IV.

### *Utrum in febris continuis vini potus sit concedendus? Ad primarium Medicum.*

CUM inter *paradoxa Helmontiana* reposueris, quod vinum in febris continuis approbarit, pro potu quotidiano, cum viribus reficiendis inserviat, id consilium est plausibile plebeis, qui alias præceptis Medicorum haud obsequentes, vini haustum præferunt, dicentes: *Ich hab sonst kein Krafft.* Si febres illæ non sint ardentiores, à fervore bilis concitatæ, sed à pituitosis humoribus causatæ, & vinum oligophorum, indubium, quin salutiferum multis. Recordor haud pridem, quendam Theologum nostratem, virum sanguineo phlegmaticum & corpulentum, febre illa molestatum, in scio suo Medico, per totum morbi decursum, vinum hausisse, & evasisse post in ludibrium Medicorum, quoties oblata occasio, quasi rem benè actam, aliis commemorasse. Liceat mihi & lepidam historiam ex observationibus *Philippi Höchsteteri*, Medici Augustani, si

antea tibi nota, in memoriam revocare.

Cum Augustæ Vindelicorum quidam civis cum uxore, ex febre continua decumberet, Medici vini potum ceu exitiosum dissuasissent, percontatus est, utrum velint certam salutem spondere, si abstemius? illis in ambiguo hærentibus, tum ille regessit, si moriendum, malle se vini, quam aquæ haustu perire; cum vini potum continuando esset restitutus, uxor autem præceptis Medicorum obsecundans, aquæ ingurgitatione defuncta, Medici ludibrio habiti, & jocis passim datus est locus. Exin Helmontii opinio, cum limitatione accepta, haud videtur repudianda. De Hippocrate *Macrobius* historicus asseverare non dubitat, post homines natos, non fuisse sapientiores, qui nec fallere, nec falli potuerit, quod elogium aliàs soli Deo competit. Ipse *Lipsius* (cujus judicium magni æstimandum) de



de Hippocrate & Aristotele palam profiteri non dubitat, se illos unicè admirari, qui sibi videantur in hominibus excessisse fastigium humanum. Etsi illi duo, in Medica & Philosophica facultate, à prima antiquitate, ad nostrum usque ævum, quasi summates, pro Divis habitati & culti, ast eo spreto & neglecto, *Helmontius* ambitione magis impellente, quam Ratione, illos alto supercilio despicens, eorum dogmata abrogare, & penitus exauthorare, sua autem paradoxa surrogare, pro virili contendit. O dolor! ô pudor! Tria illa grandia luminaria, Hippocratem cum Galeno, ejus interprete & Aristotelem, tam indigno modo excepta, *Helmontio* cum assecris, illis extrema machinantibus, & omnem splendorem obfuscantibus!

Annon aliàs in votis habendum, & à summo Deo imprecandū, bonum Angelum cælitus demittat,

ad excitandum & impellendum habile aliquod ingenium, ut calamum sumat, & mentem intendat, ad patrocinium suscipiendum, & totam venerandam antiquitatem, à tam gravi insimulatione, quasi infinitorū errorum, vindicandam. Vix à condito ævo ullus liber typis excusus, tot & tantis paradoxis refertus, qui requirat tantam vim ingenii, ad refellendum opus immensi laboris, ut ægrè reperiendus, qui attentare & tam ingens opus subire ausit. Annon totus omnium Medicorum Rationalium exercitus, adversus insolentem & jactabundum Antagonistam insurgere, arma expedire, non gladio sed calamo configere, & quilibet sua symbola conferre deberet, veluti contra communem hostem, ad vindicandam injuriam, & demonstrandam innocentiam, omnes nervos intendentes?

## EPISTOLA V.

*Ad quendam Medicum, de Uromantia.*

**Q**Uod æquè tibi displicet, eorum Medicorum studium, qui vel ad favorem, & accursum popularem conciliandum, vel lucellum aucupandum, uromantiam exercere, & simpliciores vaniloquentia cir-

cumvenire & fallere soliti, exin relucet animi tui candor; sed qui illum decipiendi modum non observat, vulgo negligitur, & velut rerum Medicarum imperitus, diffamatur. Haud abs re ridiculam subjicere Idi-



otarum de Uroscopia phantasiā.  
Cum ante annos quinquaginta sex, à  
Senatu cujusdam Reipubl. Imperia-  
lis, pro Medico Ordinario in Alman-  
goia receptus, sedem & familiam  
meam eò transtulisset, uxor mea  
tum erat gravida, cum menstruo spa-  
cio post meum adventum enixa, &  
quædam foemina illam in puerperio  
more solito visitasset, & sermo in-  
cidisset, quid de Uroscopia sentien-  
dum? tum una ex primariis serio &  
sine rubore respondit, se audivisse  
sapius, eum Medicum floccipenden-  
dum, si offeratur alicujus Rustici u-  
rina spectanda, & dijudicanda, ni  
ex templo non modo morbi genus  
cognoscere, sed & ipsum pagum, ex

quo ille oriundus, deprehendere &  
judicare valeat. O stupendam sim-  
plicitatem! ô miseram sortem inge-  
nuorum Medicorum, consimili in  
loco praxin exercentium, & tam si-  
nistram crisin experientium! Si cu-  
jus in pectore vel quinta essentia o-  
mnium artium & scientiarum resi-  
deret, nec ad illas nanias & fallacias  
se assuefaceret, haud magno habere-  
tur in precio, quin levissimus & ru-  
dissimus Blatero præferretur, vel  
ipsi Hippocrati & Galeno. Id deplo-  
randum, vix emendandum, cum pra-  
va illa consuetudo tam profundas e-  
gerit radices, ut Salomonis Sapien-  
tia vix sufficiens sit ad dissuadendum.

## EPISTOLA VI.

### Ad Philiatrum.

#### *Censura de Panacea Chymicorum.*

CUM ingens sit concertatio inter  
Medicos & Chymicos, de Me-  
dicina universali, utrum talis Pana-  
cea, quæ omnigenis morbis propul-  
sands, facultate instructa, artificio  
humano præparari queat? Etsi ne-  
mo negarit, arte spagyrica talia me-  
dicamenta adornari posse, quæ mul-  
tis desperatis morbis averruncandis  
sufficiant, sed utrum tale catholi-  
cum concinnari queat, omnibus

morbis abigendis proficuum, meri-  
to in dubium vocatur, cum ipse *Crol-  
lius*, inter primates Alchymistas haud  
postremus, in præfatione sui Operis  
pharmaceutici, palàm profiteri haud  
veretur, quod *Ars illa sit supra ratio-  
nem humanam, nec ullius ingenii acu-  
mine investigari possit, quin Solius Nu-  
minis divini gratia propalanda iis, qui  
ob pietatem digniores existunt.* In va-  
num igitur laborant, qui sibi Panacea  
conficien-



conficiendi rationem cognitam esse jactitant, & illius vim in auro latitare, quod potabile reddendum.

Sed quantum hic litigium inter ipsos Alchymistas, dum complures pernegant, Aurum Potulentum fieri posse, cum ejus virtus in parte heterogenea sulphurea sit abscondita, quæ separari nequeat per menstrua corrosiva salina, sed requiratur menstruum universale, scilicet Mercurius Philosophicus, qui utrum ab ullo homine præparari possit? valde est controversum; Si is confici non potest, ergo nec aurum potabile reale, sed opinabile: Cum & ipse Dominus Doctor *Sennertus* existimet, quæ auri potabilis nomine venduntur, esse tantum magisteria, vel aurum in minimas & subtilissimas partes solutum, & menstruo mixtum; quin & *Hartmannus* profitetur, facilius esse, aurum ex non auro construere, quam aurum naturale destruere. Cum partes Auri, & ejus Principia separare, tam sit arduum, qui igitur calleat istud artificium, in Utopia erit quærendus.

Prisci Philosophi universalem Medicinam indagarunt, in Auro, non in tam immensa Vegetabilium farragine, more Lulliano, cujus essentia videtur coacervata, nulla ratione duce, sed fortuita mistione, deprompta ex Vegetabilium Minerali-

um & lapidum innumero numero, Consimilis confusanea congeries vix unquam à condito ævo ab ullo homine eoagmentata, nec ab ipso Lullio ista essentia præparata, cum ad ejus compositionem requirantur opes immensæ, & sumtus excedentes aliquot millium florenorum numerum. Mihi est admirationi, *Lullium* æstimari à quibusdam omnium Philosophorum principem, cum non tam veri Philosophi, sed Sophistæ potius personam repræsentare sit existimandus, dum in sua arte non tam genuinam Philosophiam tractare, sed de quovis scibili in utramq; partem sophisticè tantum disputare, ingenia juvenilia vanis subtilitatibus exercere, & se mutuo exagitare doceat.

Si vera, quæ *Nicolaus Guibertus* Medicus Lotharingus, in libello de Alchymia edito tradidit: *Raimundum Lullium fuisse Laicum illiteratum, mercatorem oberatum, & uxoratum, sed tandem Magia addictum, relicta conjuge & liberis, Monachum Ordinis Franciscani factum, tandem hæreseos accusatum, & à Pontifice Romano 500. errorum damnatum, in Catalonia ab ipso Cacodemone artem Lullianam dictatam, in quodam monte, specie Christi crucifixi ei apparuisse, & secreta revelasse.* Si ille talem habuit Præceptorem, informatorem, &



in suis actionibus adiutorem, quid miri, si præ aliis sapere, & prærogativam habere visus?

Et si concederetur, universalem Medicinam adversus varios morbos ex vitiosis humoribus & intemperie pronatos, beneficio artis Chymicæ præparari posse, quin ista operatio proveniat, non tam Naturam, hoc est, calorem nativum confortando, qui omnium morborum domitor, & exactor, alimentis conveniente cibo ac potu magis reficitur, quam medicamentis, sed vi hydrotica & diaphoretica vitiosos humores attenuando, per habitum corporis eliminando, & per alvum etiam exterminando.

Cum verè *Hippocrates*, omnium morborum causas referat, in bilem & pituitam, & utriusque varia genera proponat, à ratione haud alienum, dari talem Panaceam, quæ tales humores, ubivis locorum hærentes, attenuare, resolvere, obstructions referare, & naturam corroborando calori nativo adinoculari valeat, quicquid morbofi, per varios cuniculos corporis ejiciendi, & naturam vindicandi in sanitatis statum.

Cum olim *Panacea Auraldina* summoperè decantata in propulsandis variis morbis, eum effectum excrendo, non tam naturam confortando, quam vi diaphoretica, & oc-

culta qualitate operando, cum teste *Libavio*, qui illam per *δοκημασίαν* ignis probavit, &prehendit, concinnatam ex hydrargyro & cinnabari, quæ duo mineralia nullam corroborandi facultatem obtinent, sed *ἐνέργειαν* suam virtute diaphoretica perficiunt.

Utrum Auro crudo forma pulveris, vel eo candescente, in liquore aliquo extincto, & exhibito, aliqua virtus in morbis propulsandis? sub iudice adhuc hæret litigium: quidam affirmant, negativam defendunt Authores, qui contra *Iohannem Agricolam* calamus strinxerunt, & si quæ exin operatio sequatur, non tam auro dissoluto, quam ejus menstruo salino, istum effectum assignantes, annon cum & alia foliis auri sint commixta, quibus inest vis confortandi, fociis potius medicamentis ista *ἐνέργεια* erit attribuenda?

Cum Dioscorides *acetum scilicet* in vario morbi genere mirè commendat, oblongo contexto catalogo, tandem subjiciens, in summa: *ad omnia efficax*. Erit igitur quasi Panacea omnium morborum, si illius dictata congruerent cum experientia, & vel auro potabili præferenda. Miror & obstupeo, si illud tantarum virium, & in haud magna dosi sumendum, in præservandis & curandis omnigenis morbis tantoperè proficuum,



proficuum, quod nullus mihi Autor ex Medicorum forte compertus, et si plaustra librorum pervolutarint, qui illud in morboſo & ſanitatſ ſtatu ad medicandum & præſervandum (exceptis affectibus pectoralibus) ordinare ſolitus? Si Dioſcoridis præconia indubia, & unico illo remedio, quaſi omnes morbi propulſandi, ad quid opus, ægroſ penè infinita medicamentorum, præſertim validè purgantium, farragine, cum virium jactura torquere, & inanes ſuntus impendere? Si illud reſponderet experientiæ, ô quàm beati eſſent ægroti! Ego ſanè ex illo labyrintho me expedire non poſſum. Cum æquè miranda à Galeno *lib. 3. de Medicinis paratu facilibus* (qui tamen tractatus, *Matthiolo* teſte, pro adulterino Galeni habetur) de Aceti illius facultatibus ſat prolixè recenſeantur, ſi omnia congruerent cum experientia, dixerim verè, illud omnibus Panaceis præferendum, ob præſtantiam effectus, ob exiguum precium, & facilem præparandi modum.

Iterum admirari ſoleo, ſi illud tam admirandarum virium, in averruncandis omnigenis morbis, quod eo neglecto, vel leviffima media in ſubſidium adhibeantur à quibuſvis Medicis, ut mens dubia, ne hyperbolicè illa congeſta. Cum acetum Scilliticum, inſtar Panacææ adverſus

varios morbos mirè celebratum, eum effectum exerens, non naturam, & calorem nativum confortando, ſed attenuando interiora viſcera, & vaſa reſerando, humorum craſſitiem incidendo, & lentorem abſtergendo, quo calor mediante facultate expultrice expeditior, ad noxios humores exterminandos; ſolus calor, quantumvis robustus, haud foret ſufficiens, ni obſtaculis iſtis dimotis.

Secundùm ſententiam *Dioſcoridis* datur quotidie jejunis ſorbendum, inter initia exiguum, paulatim aſcendendo, ad cyathum, hoc eſt, ad drachmas decem, vel unciam unam ſemis, nonnullos binos dare cyathos. Si ad tantam doſin progrediendum & aliquamdiu continuandum, cum inſignem habeat vim attenuandi, non ſolum humores excrementitios, ſed & nutritios ſeu alimentales, evacuabit, exin præſertim ab homine ſano uſurpatum, in quo nullæ redundant excrementitiæ ſuperfluitates, in quas agere, eaſque exterminare valeat, exin contingit, ut humidum radicale & utiles humores aggreſſiatur, eos colliquando, & naturam ſtimulando ejiciat, & ita ne utiquam vitæ prorogandæ, ſed abbreviandæ potius inſerviat, Prout ego atteſtari poſſum, proprio in corpore expertus. Cum enim ante 40. annos illius vix drachmarum duarum doſin



dofin per tres matutinas fumifilem (cum mea natura mollior, nec superfluis redundaret humoribus) macrescere cœpi, effluente per alvum materia lenta fat copiosa, contracto abdomine toto, nî maturè destitiffem, in tabem seu *αἰρεοφίαν* incidiffem. Si tanta vis attenuandi in dosi exigua, quid spei concipiendum, si ad cyathum vel ulterius progrediendum? Exin relucet, illud acetum

magis convenire in corporibus morboſis curandis, quam ſanis præſervandis. Reſpectus & diſcretio habenda doſeos, Naturæ, morbi, & temporis, aliàs experientia teſte, nimis ſerotina pænitentia docebit, non quibusvis remediorum præconiis ſine diſcretione fidem adhibendam, ne dum ad vitæ longævitatē adſpirare contendimus, ſpe fruſtrati, incidamus in cymbam Chærontis.

## EPISTOLA VII.

*Ad quendam primarium Medicum,  
cuiusdam Reip. Imperialis.*

### Censura de Helmontii Opere.

**Q**Uod meas lucubrationunculas tibi admodum placuiſſe refers, & inſuper artis noſtræ perenne deus vocare dignatus es, quin iſto encomio pectus meum haud levi gaudio percuſſum, quid ni profitear? Non enim in animo meo tanta *ἀπαθεία* ſtoica, ut ab honeſto elogio alienus, aut immobilis. Olim clariffimus D. D. *Gregorius Horſtius*, vix annuo ſpacio ante ſuum ex hac vita exceſſum, in quadam privata converſatione palàm eſt profeſſus, ſe me honorare, & habere pro ornamento Collegii, non tantùm ob ætatem ſenilem, ſed & alias qualitates, atque

hujus ſermonis teſtis ſit Deus immortalis; Eſſi virorum literatorum, cum quibus mihi conſuetudo interceſſit, honeſta ſemper de me cenſura, non minus haud eram ad genium vulgarium, qui parùm æqui judices, ob hebetudinem mentis, aut imperitiam rerum, in Medicos ingenuos, & veritatis amantes, quin fallaces uromantes magis extollentes; pro in cauſa edendi ac publicandi meas obſervationes, principalis fuit, ad ſiniſtra Zoilorum judicia propalanda & refutanda. Commendas haud leviter meum methodicum & cautum curandi proceſſum, haud abs re; qui



qui enim negligit aut contemnit Methodum medendi, antiquam, Galeno-Hippocraticam, is repugnat rationi, & tot seculorum experientia. Cum felix curandi ratio consistat in exquisita morborum & causarum investigatione, & convenienti remedium applicatione, quò perveniendi, viam monstrat Methodus. Iis in locis, ubi ægros ostiatim in suis ædibus visitare, & coram intueri licitum, ibi prudens ac discretus Medicus suum intellectum exercere potest, cum sui nominis encomio, morbi essentiam indagando, ejus causas cum loco affecto rimando, vires observando, & cautè ac circumspectè procedendo, ne obsit, si prodesse nequeat. Ubi *επισκοπία* viget, methodica sanandi ratio locum habere non potest, cum ex lotio solo, nec morbi genus patefeat, nec ejus causarum cum loco affecto inquisitio fieri queat, nec virium conditio sit comperita, quid valeant, quid ferre recusent, sed cuncta temeritati fortunæ committere oporteat; exin Medici illis in locis praxin exercentes, & ex urina vaticinia fundentes, valida purgantia *ἀνω καὶ κάτω* sursum & deorsum evacuantia, nulla ratione duce, aut methodo observata, ordinare soliti, tumultuariè quosvis humores obvios exturbando, ut merè fortuitæ curationes contingant. Exin qui-

dam nostratum Medicorum, cui nomen *Berendin*, præ cæteris celebrior olim uromantes habitus, hoc est, callidior inani dicacitate, simpliciores circumveniendi ac fallendi artifex, joco serio dicere est solitus, si rusticus consilii causa accedat, tum se ordinare, *etn gure starcke purgation, wanns nicht helff / so soll ihm Gott helffen*; Illum complures Medici etiam hodie æmulantes, omnia in extremis locantes, non rarò sinistram successum experiuntur, cum sui nominis haud levi dispendio. Quamvis plerique morbi ita comparati, ut solis purgantibus non cedant, quin & alia requirantur præsidia diuretica, hydrotica, diaphoretica, vel peculiari qualitate antipathetica resistantia. Si esset ad manum panacea, omnibus morbis & naturis accommoda, sed in Utopia reperienda, tum nulla opus foret methodo, aut laborioso studio, ipsi Galeno cum Hippocrate, ultimum Vale dicendum, & in ocio ævum transigendum, sed talis panacea in phantasia adhuc hæret, non dum existit in *ἐγασίω*, & ibidem residebit, usque ad consummationem seculi. Interim tam Galenistæ, quam ipsi etiam Alchymistæ, opus habituri Methodo, velut amulli & regula, aliàs merè fortuita, & infelix curatio expectanda.

C

Sed



Sed quidam Hermetici novitii, ambitionis (quæ artium est corruptrix) stimulis agitati, factiones & dissidia inter Medicos concitare soliti, Methodum veterum annihilare, & penitus abrogare contendunt. Perquam verum, sicuti in vita, moribus & corporis habitu, quotidie innovationes contingunt, non ad honestatem, sed levitatem: ita & dogmatum antiquorum mutatio est directa, non tam ad verum inquirendum, quam evertendum, & varia paradoxa invehenda. Olim *Thessalus* jactabundus, Gal. 1. methodi, missis literis ad Neronem, se novæ sectæ conditorem, quæ sola sit vera, omnes alios Medicos despiciens, ne Hippocrati parcens, quin ipsius præceptiones ceu noxias, traducere veritus non est. Illi haud absimilis videtur *Helmontius*, qui pro virili est intentus, quomodo dogmata veterum, tam practica quam theoretica, è medio tollenda, & sua paradoxa sint substituenda? Cum cor humanum sit appetens novitatum, & nullum tam absurdum ingens in orbe emerferit unquam, quod non haberet suas assecclas, & Patronos, indubium, quin & ille complures assecuturus applausores.

Judicium de illius scriptis interponere, haud expeditum videtur, cum quot capita, tot placita, Medici

juniores, qui non sunt versati in veterum monumentis, & qui argutiores & insolentiores, sed τὸ βλαβερικὸν habentes ἀτέλεις, novitia & absolina mirantur, & extollunt; Seniores autem Medici, quibus obtigit ὀφθαλμὸς τῆς Φρονήσεως, oculus prudentiæ jam est apertus, politici literatura imbuti, & moderato animo præditi, illas novitates despiciunt. Exin contingit, cum tanta sit ingeniorum discrepantia, ut alius Medicus hunc, alius istum authorem præferat & laudibus evehat. Prout enim in convivio lauto & opiparo, ubi varia fercula apposita, alius hospitum de hoc, alius de illo cibario promit & ingerit, pro naturali inclinatione: idem in lectione & electione librorum fieri assolet, pro cujusque genii propensione.

Si cuncta, quæ in illis libellis comprehensa, forent approbanda, quantam famæ jacturam tota facultas Galeno Hippocratica, & ipsa etiam philosophia Aristotelica, sustinere cogeretur, quod falsis dogmatibus per tot secula posteritati imposuisset, tam crassa pituita naribus farts, ut tanta errata odorandi facultas denegata.

Obtigit quidem *Helmontio* perspicacissimum ingenium, sed ad insolentiam & ambitionem nimis divergens, & Monarchiam Medico-Philoso-



Philosophicam affectans, pænè totalem Medicinæ Galenicæ & Philosophiæ Aristotelicæ reformationem, imò exauthorationem instituens. Omnia quidem sat argutè proponit, sed istæ speculationes mihi videntur subtiliores, quam utiliores, cum theórica magis quam practica concernant, exin Academicis & junioribus, novitates affectantibus, convenientiora. Nihil est tam incredibile, quod dicendo non fiat probabile; quæ cum ratione quadrant, erunt acceptanda, quæ dissonant, repudianda. Mihi videntur, majori ex parte, elusiones argutæ, quàm solidæ refutationes veterum,

si ad rectæ rationis dioptram examinanda, nulla sat firma argumenta observo, quin innumeræ falsæ insimulationes occurrant. Si verum fateri fas, Medico practico, præsertim seniori, illius lucubrationibus carere facile licebit, major fructus redundabit ad Academicos, in disputationibus se mutuo exercentes & exagitantés.

Suum cuiq; liberum per me esto iudicium. Ego sum & ero in veteribus militiæ Galenicæ & Aristotelicæ castris, nec ad ullas novitates, robore argumentorum haud satis firmatas, tanquam transfuga jam grandævus deflectam.

## EPISTOLA VIII.

Ad eundem, de eodem.

*Paradoxa, de Catharri deliramentis, & infantum pulmentis ex cerevisia, refellens.*

**A**ccepi literas tuas, mihi pergratas, unà cum insertis annotationibus, ex *Helmontii* operibus excerptis, eò acceptiores, cum ex iisdem cognovi, tuam censuram cum nupera mea sententia congruentem, & animum tuum æquè à paradoxis illis alienum. Interim in animo meo haud levis concitata illa admiratio,

quod ex opere illo, velut immenso absurditatum Oceano, tantum chaos colligere, & compendiosè proponere, suscepto tam tædioso labore, corporis & mentis vires defatigare ac resolvere non dubitaris. Videtur in illo opere contineri cōgeries & sentina paradoxorum, quibus juniorum præsertim Medicorum ingenia



ingenia (qui istis λόγοις καὶ ψόγοις prout Galenus noster vocare est solitus) se oblectare, mutuò exerce-  
re, & exagitare consueverunt, inprimis autem Alchymistis sunt plausibilia, quibus ex quadam quasi innata antipathia bellum internecinum cum Galenistis.

Obtigit *Helmontio* à prima statim juventute vagabundum ingenium, ab initio Astronomico studio se addixit, cum id minus arrideret, Theologiæ dare operâ, & ordini Capucino (cujus sectatores videntur stoici Christiani) se devovere constituerat. Sed cum illius natura imbecillior, veritus, ne ob regularum rigorem ordinis austeritatem sustinere queat, mutata sententia, saltum ad Medicinam & Philosophiam fecit, Galeno & Aristoteli (infelici horum Fato) extrema est machinatus, si in Theologia perrexisset, haud dubiè novam hæresin exclusisset, quanta absurda & falsa in illius opere sint obvia, haud abs re paucis saltem exemplis, (in patrocinium Galenistarum) propalare Medicis Galeno addictis. Affingit eos statuere, tussim asthma, artriticos affectus, à solo catarrho à capite depluente proficisci. Cui reclamant penè omnes practi-  
corum libri, ut supervacaneum eos allegare, vel unicus *D. Sennertus* ad opponendum sufficiat, à quam variis causis illi morbi proveniant?

Cum Author ille, negans, prædicta pathemata oriri à defluxionibus, quin scopticè Catarrihi deliramenta vocare veritus non sit. Annon id optimo jure retorquendum, & asserendum, illum delirasse, hoc est, à lira veritatis aberrasse; dum tam falsas insimulationes suo calamo consignare non dubitavit?

Inficiatur, Podagram à defluxionibus concitari, sed tantum per congestionem materiæ mucilaginosæ, in articulis ebullientis & fermentantis. Et si id interdum concedendum, præsertim in podagra per congestionem sensim pronata. Cum dolores podagrici non sint uniformes, alii intensi, alii remissi, alii cum magna discrasia calida, alii cum frigida, alii cum magno, alii cum exiguo tumore conjuncti. Ergo causæ materialis magna erit discrepantia, id redarguit, solam mucilaginem in articulis hære. Quin arthritici dolores à destillationibus majori ex parte exordium sumant, ipsa ἀντοψία & ἐμπειρία luculentum testimonium ferunt, à quibus multò major concitatur cruciatus, dum humores ferrosi, acriori qualitate præditi, ac spiritu salino imprægnati, & pauciores magno impetu & violentia irruentes, & per venas se extorquentes, continuitatis solutionem causantes, in articulos se insinuant. Casus sextus in meis consultationibus de arthritide



*thritide vaga*, omnes articulos perreptante delineatus, omnes adversarios falsitatis arguet, & luculentissime convincet, qui sane dignissimus esset, ut omnibus Helmontii affectis legendus obtruderetur, cui nemo refragari ausit, cui cerebrum est incorruptum. Consimilem & tam singularem casum, in aliorum Medicorum observationibus descriptum, non extare, vel ipsa invidia fatebitur.

Quoad observationem meam de arthritide vaga seu universali, omnes articulos occupante, & ab uno membro ad aliud successivè quasi saltante, qui casus vel solus Helmontium falsitatis arguet, & demonstrativè convincet, podagricos affectus non solum à congestione, quam defluxione humorum concitari, majoris evidentiae causa pauca addere, haud abs re duxi. Casus ille olim D.D. *Gregorio Horstio*, adeò placuit, ut eum suis observationibus inferuerit, & in suo rescripto ingeniosam symptomatum deductionem vocare sit dignatus, & ob suam raritatem, ut philiatris communicaretur, dignissimum judicavit. Cum arthritici illi dolores subito ac derepente invaserint, ab uno membro ad aliud transiliendo, & ingentem cruciatum concitando, cum haud levi tumore partium, exin indubia conjectura

captanda, illa symptomata per depluvium ac destillationem humorum, ex venoso & arterioso genere in extremos artus decurrentium, prodiisse: cum si per congestionem nata, sensim collecta materia, & partibus jam consueta, multò majorem cruciatum & tumorem concitare solita, & ipsi ægri humores è venis velut tubulis & gutturnio quodam descendere, & in partes se insinuare sentiant, palàm ut obstinata petulantia æstimanda, in re tam luculenta refragari, & ipsis sensibus repugnare, si cum tali litigandum, perinde esset, ac ignem ferire gladio.

Ad comprobandam defluxionem, in arthriticis & podagricis affectibus, notatu dignissima judico, quæ *D. Felix Platerus* in suis observationibus, tradidit: Podagricorum membra interius (gutta cavat lapidem non vi sed sæpe cadendo) adeò esse perforata, ac si à tineis vel xylocampis exesa, (deren mit dem Podagra behaffte Glieder / seyen inwendig von den Flüssen also durchlöcheret / als wann sie von schaben oder Holzwürmen durchfressen weren /) ipsam sectionem ostendere sinibus oblongis & angustis, præsertim in locis carosis seu musculosis, quorum spatia nervi, citra omnem annexum pervadant, per quæ & defluxiones, nervi ductum comitantes, ferantur: à



quibus & continua destillatione humoris ampliata spatia veluti attrita, levi etiam causa humores commotos suscipiant, quæ itidem causa sit præcipua, quod diuturna podagra laborantes, facile in hunc affectum recidant, & malum illud, ob istud organi vitium sit immedicabile. Unica illa *αὐτοψία* & fides Anatomica refellit omnes Helmontii asseclas, ut exors rationis, qui refragari aufit.

Quin & illud dicterium, in *Humoristas* jactatum, intactum relinquere non possum. Et si quatuor humores, in homine exquisitè sano, in massa sanguinea, per venæ sectionem emissa, non extare, cernantur oculorum judicio, sed ratio suadeat, exemplo lactis, quod apparet homogeneum, & tamen tribus constat partibus, serosa, butyrofa, & caseosa: ita sanguis, etsi homogeneus oculorum censura appareat, tamen quin compactus ex diversis partibus, exin liquet, per portionem nigriorem designari humorem melancholicum, per rubicundiorum sanguineum, per subtiliorem ad flavitiem inclinantem, biliosum. Et isti humores sunt alimentarii, non excrementitii. Etsi in corpore hominis, optima temperatura præditi, rem ita se habere, existimari queat, sed in valetudinariis & morbosa dispositione, biliosos, pituitosos & melan-

cholicos humores excrementitios non reperiri, asseverare velle, *ἀλογον* & ipsis sensibus contrarium. Cum *Hippocrates* verè tradat, omnium morborum causam esse bilem & pituitam, cum autem utriusque variæ species, etiam diversi morbi concitantur. Ipsi sensus testimonium ferant, & ipsa excrementa convincant. Si quidem illi humores exorbitent, hominem ægrotare, an non temerarium, ipsis sensibus repugnare, & in vanum cum talibus litigare? Quamvis rixa & contentio potius videatur esse de nomine, dum excrementitios humores, morborum effectores, negare non possint, ni omnis rationis exortes, sed ex odio in Galenistas, odisse etiam solent humoristas, bilis vocabulum exauthorantes. O vanitatem! Si bilis nomenclatio displicet, corruptos humores, morbos causantes, admittant: ad quid confert ista verbalis altercatio, modo constet realis existentia? O miram & antipatheticam in Galenistas temeritatem!

In homine sano, cui obtigit temperatura calida & humida, Epatis & Lien coloris sanguinei apparent, exin sanguis rubens generatur, & complexio sanguinea emergit: si calidior & siccior constitutio, etiam Epatis & Lienis color obscurior, & sanguis biliosior, ad flavedinem magis



gis devertens, observatur; si frigidiore & sicciore crasis obvenit, Epar & Lien inclinatur ad colorem lividum, & sanguis melancholicus lividior producitur. Exorta namque suorum principiorum naturam referunt: qualis causa, tale causatum. Rem ita se habere, ex sanguine per venæ sectionem extracto, & anatomica fide, ad oculum potest demonstrari, prout patescit ex casu anatomico in meis Epistolis p. 274. *de natura & morbo melancholico*, circumstantialiter adumbrato, lege, perpende & cense rectis oculis intuen- do, dimoto partiali affectu, & rei veritatem deprehendes.

Coronidis loco unicum adhuc proponam, mea opinione maximum absurdorum, dum pro singulari & salutari consilio propalare, veritus non est, ad infantum vitam longius producendam, eos non lacte (quod hoxium, cum facile in ventriculo acescat, & grumescat, exin varii morbi vitam decurtantes proveniant: ) quin eorum alimenta paranda ex pane decocto in cerevisia tenui, cum melle despumato, ad gelatinæ consistentiam, pro potu autem exhibendam cerevisiam aquosam. Annon verè novum, & post homines natos inauditum infantibus porrigendum edulium? annon absolum consilium, à mente præposteris cogitatio-

nibus obfuscata, profectum; ex falsa illa hypothese fluens, quod cerevisia tenuis, cum melle mixta, minus quam lac corruptioni sit obnoxia. Id repugnat rationi & experientiæ, cum cerevisia, cum melle temperata, in ventriculo calidiore ob dulcedinem facilius bilescat, in frigidiore autem acescat, & diarrhæam invadat. Accedit, quod cibus ille parum nutriat, non firmum ac stabile alimentum suppeditet: infantes autem indigeant cibo multum nutriente, nec brevi resolubili, cum multo redundant calido nativo, quod requirit copiosum fomentum. Cum illis etiam obtigerit natura humida, quæ similibus commodius conservanda ac sustentanda, nullum convenientius excogitandum, quam ex lacte paratum edulium.

Cum infantes, ob naturalem corporis constitutionem calidam & humidam, admodum proclives ad diarrhæam, quin ex prædicto victu verendus sit quasi continuus alvi fluxus, in mortem terminandus, ob consistentiæ tenuitatem, mellis absterforiam qualitatem, & lupuli purgatoriam facultatem. Erit cibus & potus medicatus potius, quam exquisitè sano expediens.

Cum hisce diebus incidissem in quendam Medicinæ Candidatum, qui in Austria aliquamdiu in praxi se exercue-



exercuerat, & mentio facta Helmō-  
tiani consilii, is suo suffragio meas  
rationes confirmavit, & retulit, Vi-  
ennæ vel mulierculis esse cognitum,  
si infantum alvus constipata, exhibe-  
re lingendam cerevisiam albam, cum  
melle mixtam, & ilico laxari.

Insuper, cum ventriculus in-  
fantum sit tenellus ac mollior, ideoq;  
ad cibaria duriora digerenda imbe-  
cillior, exin, cum panis cum cerevi-  
sia ad Gelatinę consistentiam coctus,  
solidior, idcirco alteratu difficilior:  
farina autem cum lacte ad pultis for-  
mam redacta, concoctu expeditior,  
& illorum naturæ convenientior:  
quin lac non tantum infantibus, sed  
& profectioris ætatis hominibus o-  
ptimum alimentum præstet, & ad  
longævitatē acquirendam pluri-  
mum inserviat, luculento sint exem-  
plo ipsi Helvetii vetustissimi, ab in-  
cunabulis lacticiiniis enutriti. Ap-  
pello & provoco ad infallibilem ex-  
perientiam, si fieret periculum, ut a-  
liqui infantuli, sanæ constitutionis,  
committerentur lactandi nutrici, iti-  
dem laudabilis complexionis, & pul-  
mento ex lacte enutriendi: quin &  
totidem alii infantes, juxta Helmon-  
tii præscriptum modum, ex cerevisia  
aliis alendi traderentur, indubium  
illos longævos fore, hos autem intra  
paucas septimanas, è vita excessu-  
ros, diu noctuque plorantes, & de-

plorantes edulium, à Summo DEO  
& natura ipsis destinatum, subtra-  
ctum, & substitutum aliud genus, ni-  
mis tenue ad famem sedandam, mi-  
nus commodum, insuper alvi flu-  
xum concitans, ut præmaturè in  
mortis fauces præcipitati. Mihi in  
votis, ut omnes Helmontii affec-  
tæ, ejus sputum lingentes, solo pulmen-  
to ex pane & cerevisia confecto, &  
haustu cerevisiæ aquosæ, menstruo  
tantum spacio alerentur, indubium,  
quin Authorem, priusquam ad me-  
dietatem temporis pertingerent, ex-  
ecrari, & diris devovere soliti, pro  
tam exitioso consilio, dum exin ni-  
mistenue alimentum, nec ad vires  
restaurandas accommodatum, sup-  
peditatum, insuper varia molesta  
symptomata confectaria, inprimis  
stomachi imbecillitatem & pericu-  
losam diarrhæam verendam. Ad ob-  
viandum objectionibus, ab Hel-  
montio in medium allatis, si com-  
plures infantes convulsionibus Epi-  
lepticis, torminibus ventris, & aliis  
symptomatis confecti, maturiùs à  
morte abrepti, causa & culpa lacti  
per se haud videtur imputanda.

Si nutrix obtingat sanæ com-  
plexionis, & lac laudabile, nullis vi-  
tiosis humoribus inquinatum, fu-  
gendum porrigatur, & pulmentum  
ex illo ritè paratum, exhibeatur, nec  
infans præditus sit natura infirma &  
vitiosa,



vitiosa, nec lac in copia ingestum, ut eo obrutus ventriculus id concoquere nequeat, exin indigestum corrumpatur, & in virus vitriolatum degeneret & ace scat, nervoso generi inimicum, convulsiones in primis epilepticas causando, mortem inferat, prout experientia testatur, si infantes vel leviter plorare incipiant, diu noctuque vel lac è mammillis sugendum offeratur, vel pulmentum deglutendum obtrudatur, ut conticescant & quiescant. Exin si quid morbo si succedaneum, omnis noxa innocenti lacti assignatur: si pultis cum potu ex cerevisia, secundum Helmontii præscriptum, dimidia tantum quantitas quotidie porrigeretur, vix tot septimanas infans in vita perseverare posset, quot annos cum lactis edulio & potu salvus & incolumis conservandus.

Hæc exacto tuo iudicio ponderanda committo, annon grandia, etiam exitiosa paradoxa, in Helmontii opere occurrant, prout à te laboriosè collecta, & in sat magnum fasciculum redacta; mihi in votis, ut omnibus illis Patronis visenda traderentur, ad perspicendum, qualem nacti præceptorem, & ad resipiscendum à tam præposteris opinionibus, ut obstupescam, illum à quibusdam tantoperè æstimari.

Cum *Helmontius* etiam jactitet

revelationes & visiones divinas, quarum instinctu & adminiculo, artium & scientiarum reformationem instituerit. Si res verè ita comparata, & non commentitia, aut Phantastica, tunc illa non sunt à bono aliquo genio suggesta, cum illius intentio haud bona, quin directa non ad verum inquirendum, sed ad corrumpendum & evertendum, imò penitus tollendas ingenuas artes & scientias, à summo Deo pro salute generis humani concessas. Ergo à spiritu vertiginis exagitatus quasi innumera paradoxa, veluti *μῆλον τῆς ἐριδος*, pomum litis ac dissidii projecit in medium, factiones inter literatos concitando, & seminaria altercationis spargendo. Omnes novatores & sectarii (etiam in Theologia) ut suis quantumvis absurdis dogmatibus majorem conciliarent fidem & authoritatem, divinas sibi obvenisse revelationes mentiti sunt, ad fallendum & decipiendum.

Haud abeam à vero si dixerim, à condito ævo, nullum librum publicatum, tot ac tantis paradoxis refertum, qui requirat tam magnam vim & acumen ingenii ad refellendum.

Annon in votis habendum, & à Summo Deo imprecandum, bonum Angelum cælitus demittat, ad excitandum & impellendum habile

D

aliquod



aliquod ingenium, ut calamum summat, & mentem intendat, ad patrocinium suscipiendum, & totam venerandam antiquitatem à tot & tantis injuriis vindicandam? Quidam novitii, Alchymiaë addicti, Helmontii opus, præsertim in practicis, adeò extollunt, ut neminem perfectum esse posse medicum, sine illius revolutione, asseverare haud verecundentur; id mihi stupori, cum pauca chymica, ex mineralium classe deprompta, non stylo plano, sed allegorico & verborum involucris tecto, delineata, ut penè à nemine expediri & intelligi queant, proinde inutiles discursus æstimandi, nec de illis dextrè judicandi facultas concessa, cum ignotum, ex quibusnam ingredientibus illa concinnata, & incertum, utrum tam miraculosum præstent effectum, prout ille spondet, ipsa praxis & experientia fidem pollicitis conciliare deberet, cum aliàs Alchymistæ valde sint jactabundi, & hyperbolici in celebrandis suis medicamentis, ubi ad usum ventum, sæpius contrario & pœnitendo successu: si illorum promissa congruerent cum effectu, homines non tantum à morbis desperatis liberare, ac immunes reddere, sed & penè ad immortalitatem perducere liceret, annon de illius fide etiam dubitandum?

Videtur *Helmontius* impius, in Deum & naturam injurius, dum omnia fermè medicamenta ex vegetabilium forte, præsertim ex purgantium, etiam benigniorum, ordine, damnat & eliminat; Ergò à Summo rerum omnium conditore frustra in usum humanum creata, in noxam potius quam salutem introducta? O nefandam assertionem! Cùm penè sex mille anni præterierint, quod Deus Optimus Maximus, pro summa sua sapientia, omnia terræ nascētia produxerit, ut si homo ægrotare cæperit, eorum beneficio restitueretur in integrum, nec ulla alia media, tam immensa annorum intercapedine, erant in promptu, quam ex omnigenis herbis concinnata; cum vix septuaginta anni passati, quod ciniflones Alchymistæ in lucem emisissent, qui spretis ac neglectis vegetabilibus, omnia medicamenta ex paucis mineralibus præparare, ea miris encomiis celebrare, Galenica autem vituperare & exauthorare cæperunt. Ex illorum numero cum sit Helmontius, magno ludibrio in Galenica invectus, Hermetica introducere conatus, illis exterminatis.

Cum vix ultra septuaginta annos, quod chymica, præsertim in Germania, præparari cæpta, & ea conficiendi ratio paucissimis tū erat cognita, ut paucissimis exin aliquid subsidii



subsidii sperandum. Quin proclive est cavillari, & Galenica seu vegetabilia damnare, sed si Helmontio in pectore suo cor fidele, & generi humano benè consulendi promptum, cur non meliora & talia verbis perspicuis conficienda proponit, quæ omnibus sint saluti? Cum à condito seculo ad nostrum usque ævum, nulla alia remedia in usu, quam Galenica dicta, proh Deum immortalem! annon & olim, & nunc, ægrotantibus, omnibus præsidiiis destitutis, pereundum fuisset, si Galenica præstò non fuissent, quorum adminiculo etià hodie gravissimi morbi, per totum terrarum orbem grassantes, debellantur.

Nemo adversatur, si speculando commodiora & efficaciora remedia excogitanda, quin is conatus laudandus, & eorum usus introducendus, nec tamen omnia medicamenta Galenica, quæ infinitis fuisse saluti, totaliter rejicere, studio æmulationis magis, quam rationis, scopice tractare, in Authores magna vehementia intonare, etiam eruditissimorum virorum famā, per multa secula clarissimam, per calumnias infamare & obscurare, par ac æquum, an hæc nota sit viri boni, viris itidem bonis, candidè judicandum committo?

O Ambitio, ambitio, quam es iniqua judicatrix, & operatrix in omnes bonos, etiam præclarè meritos, dum affectas & contendis ad culmen laudis ac gloriæ ascendere, vel cum maxima aliorum injuria & calumnia! Si tibi obtigissent Dei gratia tam præclara ingenii dona, quibus præ aliis generi humano prodesse valeas, annon laudabilius, ea cum modestia propalare, non cum tam insigni vehementia intonare, & acerbissimè insectari, etiam optimè de posteritate meritos? Non omnia possumus omnes, nec omnia uno tempore simul inventa, sed successivè. Ne per alieni nominis ruinam gradū tibi struas ad gloriam tuam; si quid laude dignū succurrat, candidè proponas, absque bile, res cum re, ratio cum ratione concertet, censuram æquo lectori committas.

Sed calamus meus longius excurrit, quam ducere constitueram, ad prolixiores literas exarandas impulsus ex justo zelo & indignatione quadam, dum Helmontius, tam elatus & iniquus censor, in omnes priuscos & Neotericos Medico-Philosophos, omnia eorum dogmata promiscuè refellens, & acerbè cum cavillis perstringens, & ipsum infantulum, etiam venustum non rarè, cum lavacro rejiciens. Sed abeant illa in-



vectiva cum suo Authore, ante triennium defuncto, ad orcum, in

purgatorio, juxta ipsius fidem Catholico-Romanam expianda.

## EPISTOLA IX.

### Ad eundem: *Utrum bruta sint ratione pradita?*

**Q**Uod inter paradoxa Helmontiana reposueris, dum bestiis non phantasia solum, sed & haud obscuras discursuum notas attribuit. Etsi Autor ille in plerisque perquam absurdus mihi visus, sed hac de re illius opinio plausibilis existimanda, cum ex ordine literatorum complures reperti, idem statuentes, haud sit ingratum, animi mei cogitata pro- palare, & tecum communicare, ea tibi vel probanda, vel solide refutanda committens, haud videtur de lana caprina, ingenii vires non nihil exercere.

Cum haud levis inter Philosophos existat concertatio, utrum animalia, à nobis bruta indigitata, sint expertia rationis, ut haud expeditum quid statuendum. *Plinii* quærela est protrita, quod natura homini obtigerit tristior noverca, quam mater, cum sua sponte nihil calleat, non vesci, non ingredi, non fari, sed tantum flere. Cum bruta ab homine sint disparata fermone, & ratione, utrumq; deprehenditur in Elephan-

tis, cum intelligant linguam indigenam, & institutio ac domitura lingua fiat, & quosdam locutos constet. Ratio innotescit ex effectis, cum omnes artes pacis & belli addiscant, facili ritu, quos ægrè homines ipsi caperent.

Illorum qualitates & dotes *Iustus Lipsius* peculiari Epistola denarrat, exemplis luculentis illustrat, palam profiteri & asseverare non dubitat, carere se ratione, si prorsus illi reperti, qui sua proboscide scribere, & quidem Græcis literis, teste *Plinio*, linea recta, non contorta, sunt soliti.

Cum Anima rationalis inorganica statuatur, cujus præcipua actio sit intellectio, si ea insita, & suas operationes per se exercendi facultatem obtinet, tum ultrò ac spontè ad varias linguas & artes esset proclivis: Sed multorum annorum intervallo, cum magna difficultate & laboris assiduitate, ægrè linguam vernaculam seu maternam capere, nedum aliarum artium & disciplinarum cognitionem



cognitionem comparare potest, cum è brutorum classe, sua cuique speciei peculiaris loquela, à natura ingenta, cujus medio animi passiones (id *Hieronymus Aquapendens* singulari tractatu, de loquela brutorum, prolixè & luculenter demonstrat,) sibi invicem articulata voce communicare solent. At solus homo *πῶς φωνῶ* in lucem editur, id comprobare libet exemplo notando *Magoris Regis India* (Keckermanno teste in *Systemate Physico*) qui experiundi gratia, triginta infantulos, qualem sermonem prolaturi à primo statim partu cuidam pastori custodiendos & alendos commisit, & quidem in loco deserto, ubi nulla ullius vocalæ audiendi facultas, sed cum adoleviscent, elingues seu muti sunt reperti.

At si quis illud velut palmarium argumentum obtrudat, hominibus cognitum *πῶς δὲ ὄτι*, & syllogismo uti, bruta autem nosse tantum *πῶς ὄτι*; haut ardua responsio, si regeratur, *πῶς δὲ ὄτι* illis tantum esse compertum, qui à prima statim pueritia studiis adhibiti, complurium annorum intercapidine eas artes & scientias immenso labore compararunt, quarum adminiculo syllogizare, & causas rerum investigare, crebris contemplationibus & repetitionibus memoriæ infixas & phantasie impressas, & ea illi tantum præstare possunt, quibus

præ cæteris obtigit perspicacius ingenium, hoc est, nobilior crasis ac temperatura cerebri; Imò major pars vulgi minus callet *πῶς δὲ ὄτι*, nec ratiocinio uti novit, si cum Elephantis in primis conferatur. Si quis fidem adhibere detrectat, abeat in Bavariam, Westphalam, & ipsam Lappiam, & audiat syllogizantes & discursantes plebejos. Quis abnuat, in multis bestiis illustriores rationis radios deprehendi, à natura insitos?

Multa pro brutis à nobis habitata, præsertim Elephantis & Simiæ, si in artibus & scientiis informarentur, quibus cum tanta solertia obveniret à natura, si accederet ars & institutio, quis negare ausit, quin complures homines superarent, eos multis post se parasangis relinquentes? præsertim si manibus & lingua ad sermocinandum habili essent instructa quibus si ipsi homines destituti, quid quæso à bestiis differrent, cum ratio prorsus inutilis esset, dum nec legere, scribere, & animi cogitata exprimere, & aliis communicare liceret, & ita vel ipse rationis Magister Aristoteles olim pro bardo habitus fuisset.

Cum Anima rationalis statuatur substantia incorporea, & per se subsistens, ac inorganica, ut virtute & facultate insita contemplari, & discursu uti queat, quænam erit causa,



quòd dum hæret in ergastulo corporeo, omnes artes & scientias, sicut & linguas, cum maxima difficultate addiscat, & brevi iterum oblivioni tradat, & unde tanta ingeniorum discrepantia? causa videtur consistere non tam in animæ diversitate, quæ immutabilis, quam temperaturæ varietate. Testimonium ferāt ii, qui in ætate juvenili & virili sapientissimi, multarum rerum cognitione instructi, in extrema senectæ, bis pueri evadunt, intellectu & memoria abolitis, mutato tantum temperamento, cum animæ essentia sit inalterabilis. Idem affirmant naturæ cholicæ & Melancholicæ, quæ etsi anima rationali haud differentes, tamen ob præstantiorem crasin, cæteris intellectu & discursu prævalent.

Si anima per se rationalis, videtur ἀδύνατον, ut mutato tantum temperamento, homo insipiens fieret, ut in Mania apparet. Exin haud levis conjectura, totum negotium consistere in præcellentiore temperatura, seu ἰδιοσυγκρασία cerebri & spirituum animalium, qui rationis velut instrumenta, non tam manifesta, quam occulta qualitate operantia.

Unicum adhuc ponderandum committo, cum rerum omnium conditor primo homini, ex argilla seu glebalutosa formato, nec dum ani-

mato, inspirarit spiraculum vitæ, & anima rationali ornavit, si ea omnibus subsequenter, ex illo præseminatis, à summo Deo quotidie infunderetur, exin robustius captandum argumentum, pro stabilienda anima rationali, si verò à parentibus propagata, an non magis hæsitandum, de animæ rationalis productione naturali? cum talis incorporea substantia, intellectu prædita, à materiali & interno agente prodire nequeat. In animo meo meritò admirationem parit, quod ipse *Aristoteles* luminæ naturæ eò devenerit, ut l. 2. de Generat. c. 2. statuerit: ἐντελέχειαν seu animam sentientem & vegetantem in semine inesse, sed τὸν νοῦν mentem extrinsecus advenire, & solam esse divinam, subnexa ratione, nihil enim ejus actionem communicare cum actione corporali. Etsi enim Aristoteles non intellexerit creationem, seu ex nihilo productionem, cognovit tamen, animam rationalem fieri non posse, ab agente aliquo materiali, prout materiales animæ fiunt, sed ab aliquo agente extrinseco, hoc est, ipso Deo. Cum animæ rationalis actio principalis sit intellectio, non indiget organo corporeo, reliquas autem omnes animas intrinsecus fieri affirmat, hoc est, ab agente materiali, per materiæ transmutationem seu generationem.



nerationem. Cum anima rationalis sit substantia incorporea, per se subsistens, intellectu prædita, & incorruptibilis, proinde à materiali & seminali principio prodire non potest, Verùm si obtrudatur, in brutis non esse rationem, sed ea phantasia tantùm duci, cuique animali peculiarem seu specificam formam & temperaturam insitam, exin tanta actionum varietas. Annon velut scutum obvertendum exemplum Elephantorum, qui intelligunt linguam indigenam, institutio & domitura lingua fiat, & à natura dociles, eas artes pacis & belli facilè addiscant, quas homines etiam ingeniosiores vix magno labore capere queant?

Si tam nobiles actiones tantùm procedunt à phantasia, quis renuere ausit, homines itidem dirigi à phantasia, cum rudes omnium rerum ex

alvo materno prodeant, non fari quidem, aut linguam vernaculam efferre valentes, annon exin inferendum, Elephantos etiam rationis capaces, vel homines æquè rationis expertes, phantasiæ ductum sequi? proinde rationi magis videtur consonum statuere, vel homines cum Elephantis mediante phantasia suas actiones edere, vel si anima rationali præditi, eam ab agente extrinseco procedere, & à Deo Optimo Maximo, consummato jam Embryoni communicari, prout in prima factū creatione. Si cum Aristotele, imò cum ipsa sacra Scriptura, animæ humanæ rationalitas & immortalitas attribuenda, illius per traducem propagationem, sat iusto argumento obtinere, vix consistit in ratione ulla humana.

## EPISTOLA X.

*Exhortatio ad Galeni monumenta perlustranda,  
quantopere id studium Medico sit  
fructuosum?*

EX ordine Medicorum mihi haud videtur magnus, cui Galenus non est magnus, cum omnium nationum Medici, quicquid boni in suis scriptis protulerunt, id ex illo velut fonte hauserunt, exin suos rivu-

los derivantes. Cum ego ante annos sexaginta tres, in Gymnasio Patavino studio Medico incumbens, audirem Professores, nihil aliud crepantes, (ut *Alexander Massaria* palam profiteri non dubitavit, malle se  
cum



cum Galeno errare, quàm cum Neotericis rectè sentire) quàm Galenum allegantes, exin opera illius mihi comparavi, & perlustrare capi, à capite ad calcem istum laborem continuando, & insuper quicquid occurrit notatu dignum, excerpti, collegi, & ut memoriæ consulerem, in compendium redegi: sanè is labor, per totum vitæ decursum, magnum mihi attulit emolumentum, dum plaustra librorum pervolutavi, & Professores de Cathedra declamitantes auscultavi, penè nihil, exceptis novis opinionibus & contentationibus, occurrit, quod apud Galenum non extaret, cum nulla Medicinæ pars in illius operibus reperiatur, quæ non sufficienter tractata.

Plaustris librorum carere facile poterit, qui scripta Galeni sibi familiaria reddiderit, dum omnes Authores sua exin velut è magno Oceano depromant & hauriant, ut qui in Galeno non sunt versati, existiment, ab ipsorum ingenio profecta, suam hinc prodentes imperitiam, dum cuncta à Galeno sint mutuati. Quid esset ipse *Helmontius*, ni quicquid boni ex Galeni & Aristotelis monumentis primitus depromsisset, sed post omnia corrumpens & invertens, suas exin nectens argutias, malam rependens gratiam, in illos retorfit. Aquam veritatis limpida,

ex illorum fonte haustam, suis sophismatis inquinavit, & totaliter fæculentam reddere attentavit, fretus arguto & insolenti genio.

Ego Deo Optimo Maximo tacita mente gratias egi, pro cogitationum mearum directione, ad monstrandam tam expeditam & compendiarum viam, perveniendi ad facultatem Medicam. Ne autem planè rudis ac imparatus accederem ad lectionem operum Galeni, prius perlustravi Physiologiam & Pathologiam *Iohannis Fernelii*, stylo eleganti succinctè conceptam, & *Institutiones Fuchsi*, phraseologia, verbis & dictis Galeni exaratas, ut jacto illo fundamento, postmodum Galeni scripta exactius intelligere liceret, & res ex voto successit; æmulare illud exemplum, veritatem & utilitatem deprehendes, & monitori gratias ages. Si *Institutiones D. Sennerti* conjunxeris, in quibus controversiæ & variæ Authorum opiniones propositæ & discussæ continentur, utramque absolves paginam, ut nihil desiderari queat. Nec tibi remoram objici patiaris à Galeno-mastygis, qui ejus opera nunquam perlustrarunt, imò ne per transfennam inspexerunt, præsertim Alchymia addicti, qui ex studio æmulationis & ambitionis, illius nomen odisse, & aliàs laudabilia taxare & reprehendere soliti, quorum

mens



mens præposteris opinionibus est obfuscata, ut dextram adhibere censuram nequeant. In theoricis, quoad Physiologica & Pathologica, quin Galeno principatus tribuendus, indubium æstimo; Quoad curandi rationem, ipsa etiam methodus exquisita ab illo est proposita, velut amussis & regula, juxta quam medendi modus est instituendus; quoad theoremata, universalis ad specialia applicando. Modus in cura procedendi est certus, sed media & viæ, eò perveniendi & pertingendi, variæ occurrunt, dum Galenistæ per vegetabilia procedunt, Alchymistæ autem per Hermetica seu mineralia progrediuntur. Nemo inficiatur, horum remedia efficaciora in morbis propulsandis, palato gratiora, & in exigua dosi exhibenda, si dextrè adhibeantur, ea ratione Galenicis palmam eripiunt. Hoc tamen asseverare ausim, si cui obtigerint ægri, in assumendis pharmacis morigeri, non nauseabundi & delicatuli, quin per vegetabilia æquè, præsertim à Medico prudente, in cognitione morborum, & methodo medendi probè exercitato, à gravissimis & desperatis affectibus liberari, & tutius in integrum restitui queant. Si morbi istorum convenienti administratione non cederent, indubium, quin & illorum opera majori ex parte fru-

stranea. Quolibet seculo reperti præstantes Medici, ex in omnia probanda, quæ bona, observanda, non autem omnia vetera promiscuè rejicienda, & nova substituenda, & cum animi vehementia scepticè traducenda. Illustris exempli loco sit *Zacutus Lusitanus*, in suis observationibus, qui complures ægros, conclamatis morbis decumbentes, & ab aliis etiam primariis Medicis desertos, ope vegetabilium, vulgari tantum more præparatorum, salvos & incolumes reddidit, & quasi ex orci faucibus subtraxit. Felix medela non consistit in operosa remediorum faragine, qualiacunque illa sint, sed in exquisita morbi, & ejus causarum dignotione, ac prudenti pharmacorum applicatione, prout plurima obvia exempla in meis observationibus, idem testificantia.

Medici Galenistæ reales, non nominales, sunt extollendi, & in precio habendi, non qui titulum Galeni gerunt, sed qui ipsum opere imitantur, juxta ejus præceptiones praxin dextrè instituentes. Annon grande piaculum æstimandum, calamum in Galenum, præclarè de tota facultate Medica & posteritate divinis suis scriptis meritum, stringere & perfundare, quem oporteret laudibus ad astra sublevare? O indignam & nefandam sortem! quin potius Me-

E ————— dicinæ



dicinæ Candidati sunt invitandi & adhortandi, ad aurifodinam Galenicam accuratius perscrutandam, animum scientia instruentes, loculum autem pecunia replentes. Qui temerè carpunt Galenum, in ejus manes ingrati & injurii censendi. Si qui studio chymico addicti, ea siderum felicitate pronati, ut ad promovendam salutem generis humani commodiora & efficaciora remedia excogitare licitum, & illi encomio sunt extollendi, & grates habendæ condignæ, non tamen omnes alii despiciendi, quibus ad illud culmen ascendere haud contigit, quilibet suo mo-

do decorus relinquendus. Ne judicium feras de re ignota, quin prius cum attentione Galeni scripta evolve, probè pondera, & dextrè judica, dimoto ambitionis affectu, qui mentem obfuscet. Annon satius est, ex ipso fonte haurire aquam limpida, quàm ex lacunis turbidis? Quod si huic meæ admonitioni obsecundaveris, nullus dubito, quin totus immutatus, propria conscientia convictus, relicto Zoilo, columnam laudis & honoris sis erecturus, meritissimo Galeno, cum applausu omnium ingenuorum Medicorum.

## EPISTOLA XI.

*Ad filium meum M. Fridericum Epistola Encomiastica, cum solamine mixta, fratris Nathanaëlis, artis Paonia studiosi, & officinae Pharmaceuticae Wittebergensis provisoris, haud pridem vita functi.*

**E**Rat ille olim verus typus & singulare exemplar hominis verè patientis. Si patientia delineari, oculis subjici, & fermocinari posset, ipsa palàm profiteretur, illius contrafacturam repræsentandam; sæpius recolo memoria, cum animi obstupescencia, tantam in illo patientiam Entis & mentis, per totius morbi pe-

riculosissimi & gravissimi decursum (penè incredibile dictu, & vel à fide mea alienum, ni αὐτῷ τῆς) per decem septimanas durantis, nullam unquam emisit vocem, vel doloris vel impatientiæ testem, nulla suspiria, communi aliorum ægrorum more, animadversa; quæ Philosophi stoici de ἀπάθεια verbis & præceptis inculcant,



culcant, ille licet *φιλόσοφος*, re ipsa præstitit, & suo illos exemplo superavit. Nuper per literas mihi significatum, illum Wittebergæ febre maligna correptum, & à morte, eheu, abreptum. Indubium, quin libenter, si non avidè, ex hac miseriarum abyssò demigrarit ad cælites, divina speculaturus; id vel exin patescit, cum ante triennium ipsi denunciatum, fratrem *Iohannem Stephanum*, vitam cum morte commutasse, in suo rescripto grande præferbat desiderium, ut illius loco defunctus, hujus opinor ærumnosæ vitæ, & laboriosæ suæ functionis tam satur. Fraterna morte ferto laureo cinctus, jam victore vasis omnium malorum, triumphum agens in cætu beatorum; si darentur gradus beatitudinis, tum esset ille constituendus inter primos. Quis hæsitaret? indubiam fidem faciunt, ipsius pietas, probitas, vitæ integritas, & in suum GOELEM defixa spes; ob istas doctes ac virtutes, hominibus erat acceptus, dum adhuc superstes interris, quidni & Deo jam dilectus in cælis, qui cum sit summum bonum, non nisi optima ad se trahit, & sibi adjungit, ideoque illum maturè ex his turbis evocavit, & ad superas portas evexit, à cœli janitore referandas. Cum juxta sententiam *Seneca*: Omnis vita supplicium, ubi semper an-

gores, etsi non dolores, præsertim cui obtigit Natura Melancholica, (talis corporis constitutio illi obvenerat) quæ vitæ molesta & adversaria, ob metum & maestitiam, jugiter animum percellentia, ob varia & ingrata phantasmata menti obversantia, & per sympathiam ipsum etiam corpus infestantia, istis vita est tormentum, mors autem solatium. Ab omnibus istis incommodis jam liber ac immunis, & ab omni fortunæ affultu securus, requiescit in cubiculo suo, ut ne momentaneam inter mortales moram peteret. *Marcus Aurelius Imperator*, olim Lavinæ Nobilissimæ Romanæ, propter obitum *Claudini Mariti*, per epistolam illud solatium suggessit: *Etsi nihil hominum mors à bestiarum interitu differret, eisi nulla essent furia, quæ sceleratos torquerent, nulli Dii, qui bonos remunerarentur, vel ob id amicorum mortem æquiori animo ferendum, quod ab omnibus laboribus & curis liberi; Se certò scire, si maritus defunctus, communi omnium calculo atq; suffragio, Romanorum Imperator designaretur, ipsum ne unum diem è sepulchro proditurum, ad suscipiendum Imperium, tranquillum suum statum, cum in quieto regimine neutiquam commutaturum.* O præclarum ab Ethnico argumentum, & contra mortis terribiculamenta firmamentum! Si gentiles



iles luce divina privati, ratione tantum directrice ita senserunt, multo magis nos Christiani ad cynosuram sacrarum literarum respicientes, robustiorem concipiemus spem, vitæ pacatoris, ubi ex ergastulo corporis exempti. Haud absonum, memorabilem ex Plutarcho referre historiam, *de Cleobo, & Bithone*, adolescentibus Archivis, cum eorum Mater, Sacerdos Junonis, & jam instaret momentum temporis ad sacra peragenda, nec adessent Muli, vehiculum trahere soliti, illos rhedam subiisse, & Matrem ad Fanum deduxisse, istam pietatem Matri oblectamento fuisse, ut efflagitarit à Junone, illis, quod optimum esset hominibus, largiretur, tum ipsos in somnum solutos, nunquam amplius evigilasse, Dea illorum pietatem morte, velut condigno præmio compensante; cum mors tam preciosa in oculis paganorum, multo magis in mente Christianorum, præsertim iustorum?

Fratri obitus mihi acerbior, ob tria grandia vulnera, a manu divina inflicta, dum tres adultiores frugi filii, paucorum annorum intercapedine, à Parca sublati, sed quis potest resistere Fato, suum cuique Fatum disponenti, quod inevitabile? Cum omnia mortalia, & incerta lege mortalia, cogitandum, brevi nos

eò perventuros, quò illos pervenisse, jam mœremus ac lugemus, aliquanto nos intervallo præcedentes, insecuturos ex insperato. In hoc enim nati sumus, ut perderemus & periremus, ad eandem Fati metam tendentes. Cum igitur Deus illos, non mancipio dederit, sed commodatò, ad libitum repetendos nullum aliud restat medium, quàm istas orbitates æquiori animo ferre, confidentes, illos non periisse, sed per mortem januam apertam, transcendendi in vitam æternam. Et si juvenis, & in flore ætatis decesserit, & spes concepta ad altiora emergendi, ex in mors gravior, communi parentum sensu, *φιλοσοφία* & opinio attolunt, & exaggerant præmaturum liberorum obitum; at si quis rectam rationem in consilium adhibeat, casuaderet, confimiles casus moderato animo tolerandos, credentes, Deum illos sustulisse, cui obstrepere nemo ausit, qui more paterno nihil agit, nisi tempestivè, nisi utiliter, nisi ex salute nostra. Verè Varro: *Eos, quos Dii diligant, adolescentes mori*; erit igitur argumentum gratiæ divinæ, Juvenes ex hac miseriarum valle maturius evocare, & ad se transferre; tanta bona ne illi invidemus, magno sit solatio, illum jam frui consortio Bonorum, sui similium: ita pietas & vitæ integritas spondent.

Et si



Et si a nobis pro arbitrio nostro revocari posset, quin spretis nostris precibus refragaretur, indubium. Esto igitur & permaneto in requie sempiterna, optime Fili, & cum jam sis in εὐαγγελία coram agno cœlesti, Trahe me post te!

Quin & tibi significandum duxi, fratrem perquam honorificè sepulturæ traditum, magna Academicorum & civium frequentia, concionem funebrem habente Celebratissimo illo Theologo, *D. Paulo Röbero*, Professore & Superintendente Wittebergenfi, & illius dotes ac virtutes mirè celebrante, quæ typis excusa, & transmissa.

Exin relucet, quanto in æstimo, favore, & amore habitus; amari, æstimari, & à magni nominis Theologo parentari, annon singularis felicitatis & divinæ benignitatis opus æstimandum? Cum ille, dum in vivis, devotus Numinis divini cultor, ideoque illum maturius ex hac calamitatum valle sublatum, ad Olympum evexit, & corporis exuvias honorifica sepultura cohonestare, insuper virtutes à præconè præcellentissimo propalare, & honestam illius memoriam relinquere etiam in terris voluerit, anima licet dudum recepta in cœlis.

## EPISTOLA XII.

*Contra fallacem & mendacem Uromantiam.*

Discursus mea manu ductione, forma Orationis conceptus, & filio meo *Iohanni Stephano*, Facultatis Medicæ studioso traditus, in Gymnasio nostro recitandus, sed ob insperatum mortis interventum, remora objecta, non minus publici juris facere, haud inconsultum duxi, ad demonstrandam illius vanitatem.

**D**E *Gonella*, joculatore illo famosissimo & facetissimo, literarum monumentis est traditum, quod *Nicolao Marchioni Ferrariensi* percontanti, cujus artis plures essent in urbe Professores? sine mora

responderit, *ecquid hasitas, num ignoras, omnium majorem numerum Medicorum?* Id cum per absurdum Nicolao videretur, ille autem in semel concepta perseveraret opinione, tandem altercatione ultro citroque ali-

E 3 quamdiu



quamdiu perdurante, ex compacto mulcta constituta, ei irroganda, qui temerarius deprehenderetur. Gonella ut suam comprobaret sententiam, hoc astu usus fuit. Quodam die festo ad limen templi primarii sistens, collo & ore opertis linteolo, ne agnosceretur, ejulando & lamentando ad sympathiam impellebat, & ad commiserationem flectebat omnes ingredienti, rogantibus causam, prætendebat & simulabat ingentem dentium dolorem, quo exagitaretur, exin cum penè singuli, quandam velut Panaceam, ad demulcendam ἰδονταλγίαν communicarent, eorum nomina & remedia diligenter annotabat, & ita ultra trecentas personas, medicinam contra cruciatum illum suggerentes, in suam retulerat tabulam. Ea peracta fabula, ad Regiam Nicolai contendit, & prædenti se objecit personatum, immensum dolorem simulans, Princeps dolum ac fallaciã non olfaciens, cognita doloris causa, hoc, inquit, è vestigio applica pharmacum, ad dolorem placandum præsentaneum, ilicò liberaberis à cruciatu, & Nicolaum laudabis. Exin Gonella domum rediens, catalogum confecit, in quo & medicamenta & medicastro-  
rum nomina consignata, in ipso autem frontispicio, Nicolai velut coryphæi nomen erat obvium; Die

postero, ceu liber ac immunis ab omni molestia, abjecto velamine, genuino suo vultu ac cultu se ostendit Principi, tabulam legendam tradidit, & mulctam exegit. Tum Marchio supremum inter Medicos locum se obtinere conspiciatus, & alios succedentes Magnates lectitans, à cachinno sibi temperare non potuit, proin, se illo in certamine victum, ingenuè fassus, illi palmam obtulit, & pecuniam solvendam imperavit.

Eandem si quis hodie ludere Comœdiam attentaret, hac nostra in Germania, proh Deum immortalem, nullum oppidum, nullus pagus, imò nulla domus extaret, cujus incolæ rerum Medicarum se planè rudes ac imperitos esse, sibi persuaderi patiantur! Se jactant & habentur etiam pro Medicis Judæi, perfidi Christianorum Sicarii, Monachi suæ Professionis desertores, Sacrificuli periuri, Parochi πολυπράγμονες, pastores φίλαντες, Chymici decoctores, Juris Apostatæ, Pædagogi δοξόσοφοι, impostores circumforanei, mercatores obærat, vetulæ edentulæ, alique innumeri logodædali, astu & phalerato sermone, imprimis simpliciore pectore dotatos, circumveniunt ac fallunt. Sed quid causæ, quod omnium artium nobilissima, instar triobolaris scorri omnibus prostituta, ut nugatores illi  
majori



majori in precio ac valore, quam vir bonus, ingenio præclaro dotatus, artium liberalium cognitione instructus, in Medica facultate Gale-  
no- Hippocratica probè versatus, & moribus egregiis excultus? Duas opinor primarias, & populi rudita-  
tem ac imperitiam, qui ob ἀρεστων τῆς διαβολῆς, judicii imbecillitatem, tales pro Medicis æstimat ac revere-  
tur, qui temerario ausu Medici per-  
sonam præferre & jactitare soliti, & uromantiam, frivola ex putido lotio morborum vaticinia: contra sordi-  
dos istos uromantes, & hircum olen-  
tes Medicaistros, in præsentia cala-  
mum stringere, & fraudulentiam pa-  
tefacere constitui.

Cum inter alios abusus, qui in familiam Medicam irrepserunt, haud postremus sit uromantia, dum com-  
plures illiberales Medicaistri, contra suam scientiam & conscientiam, ex solius urinæ contemplatione, ob tri-  
obolaris lucris spem, nullis aliis ponderatis circumstantiis, omnium mor-  
borum essentias, eorumque causas & eventus, se cognoscere ac depre-  
hendere posse, simulant & jactitant, haud secus ac amos fatidicæ ex cri-  
stallo hariolari solent: attamen totum eorum artificium, meris constat amphibologiis, phrasibus phaleratis, argutis figmentis, quibus simplicio-  
res inprimis circumveniunt ac fal-

lunt; Eò res ista devenit, ut jam vulgi opinione & supercilio solus pro Medico ferè habeatur, qui in hac ariolandi argutia fortunatior, pauciora profert mendacia. Ad-  
versus istos uromantas insurgere, & arma expedire literaria, est animus, eorum nanias & nugas palam recen-  
sendo & refellendo, ὁρθῶς ἀποφανε-  
ῶς ostendendo, quàm frivola ac nu-  
gatoria, quàm exitiosa ac damnosa, quàm fallax ac mendax sit uroman-  
tia.

Amplissimus & Prudentissimus *Senatus Reipubl. Norimbergensis*, in Præfatione dispensatorii Pharma-  
ceutici, ipsius mandato in lucem e-  
diti, Medicis suæ Jurisdictioni sub-  
jectis severè injungit ac præcipit, ne ex solius fallacis lotii inspectione, quidpiam de morbi genere, ejusque  
causis pronuncient, nec ullum com-  
municent consilium, ni prius variis ponderatis circumstantiis, quas ex-  
piscari & percontari debeant ex illis, qui urinam contemplandam offe-  
runt, ne fallant & fallantur, cum æ-  
grorum haud levi damno ac periculo.

Salutare quidem & prudens il-  
lud monitum, ad omnes totius orbis Medicos ablegandum, & prout in  
votis, observandum; Sed qui istud decretum in oculis ferunt, hac no-  
stra in urbe (ut alia loca silentio præ-  
teream, qui tam candido pectore  
dotati,



dotati, & conscientiosi, ut loco piaculi ducant, quempiam inani dicacitate circumvenire & decipere, ii (proh dolor!) negliguntur, nulla obtingit praxis, in sinistram incidunt suspicionem, quasi rerum Medicorum rudes: tam fatua sunt hominum iudicia, ne dicam iniqua! Ut autem rem ipsam aggrediar, & ex mea pharetra depromam tela, in uromantas evibranda ac detorquenda, demonstrabo luculenter, ac in apricum proferam, nihil certi ex solius urinæ inspectione, de ullo interiore & exteriori membro, præter naturam disposito, & loco affecto, tam in virili quàm muliebri sexu, cognosci, nec morborum ullam specialem διαγνωσιν haberi posse indubiam.

Cum urina nihil aliud sit, quam colatura massæ sanguineæ, serum seu aquosa superfluitas, à cibo liquidiore & potu collecta, cum sit ὄχημα τῆς τροφῆς, vehiculum nutrimenti, ad ἀναδόσιν seu deductionem sanguinis necessaria, qui alioqui ob crassitiem per angustas venas transire, & commeari non posset, serositas illa, ubi suum finem à Natura destinatum est affecuta, tum Renes eam attractam per venas emulgentes, postmodum per ureteres deponunt in vesicam. Proin excretum hoc aqueum, sui quidem fontis seu scaturiginis, lo-

corumque, per quæ decessit, videlicet, quæ in venoso genere, Jecore, Renibus & vesica continentur, significationem aliquam prodit, licet hoc ipsum non raro ambiguè, fraudulenter & inconstanter. Etenim si urina offeratur ignea, num illico pronunciaris, ægrum inflammatione tentari? annon in cordis diaphragmatis, membranæ intercostalis inflammatione, talis urina conspicua? Si urina alba, tenuis, aquosa, spectanda obveniat, num è vestigio ægrum hydrope infestari divinares? cum sæpius haud dispares urinæ appareant, in Apoplexia, paralyfi, imò quod magis mirandum, in ipsa phrenitide & inflammatione cerebri membranarum, raptò bilioso sanguine sursum? Si cum lotio materia purulenta excernatur, quanam conjectura præfagires, ubi locorum exulceratio & abscessus consisteret? cum purulenta recrementa prodeant cum urina mixta, in pleurithide, Epatis apostemate, exulceratione Renum & Vesicæ.

Notanda albo calculo *Historia Jacobi Hellerii*, in Commentar. Aphorism. Hippocr. de Muliere, quæ per quatuor menses pus eminxerat, interdum, ob puris acrimoniam, sanguinem mixtum. Medici decepti, existimantes, materiam illam proficisci ab exulceratione renum, quod ægra circa lumbos per intervalla, haud



haud levem perciperet dolorem, ex-  
in omnem medendi rationem cō di-  
rexerunt, quomodo renes ab illa  
molestia liberari queant. Muliere  
illa defuncta, & cadavere aperto,  
cum morbi latibulum investigare-  
tur, renes & vesica illæsi deprehensi,  
at in corde duo calculi & complures  
abscessus observati, quorum puru-  
lentam materiam, dum natura ex-  
purgare conata, per vias urinales in  
transitu dolorem renibus infligebat,  
Medicis imponens, quasi nephriti-  
de exagitaretur. Si tam ambiguum  
& incertum augurium, de istarum  
partium affectibus, per quas urina  
transit, quid censendum de aliorum  
membrorum pathematis, quo loti-  
um non pertingit? Accedit, quod  
sæpius causa mortifica, in interiori-  
bus visceribus impacta, hærens de-  
litescit, nec ullam sui notam in urina  
prodit, quam multi nephreticis do-  
loribus excarnificati, demum defun-  
cti, cadaveribus resectis, in ipsa re-  
num substantia ingentes calculi re-  
perti, cum antea per totum morbi  
decursum, ne quidem arenulæ ex-  
cretæ deprehensæ. Complures scir-  
rho Epatis & Lienis gravantur, non  
paucis ulcera & abscessus, scirrhi, a-  
liaque mala in Mesenterio recondi-  
ta, quorum ne minima conjectura  
ex urina capienda, quæ demum in  
demortuis per anatomiam innotue-  
runt.

Non rarò contingit, ut aliquot  
haud triviales Medici convocati,  
præsentes ad deliberandum ac con-  
sultandum, dum ægrum coram in-  
tueri, & varias indagare circumstan-  
tias licet, quarum medio ad cogniti-  
onem morbi pervenire, ejusq; cau-  
sas investigare valeant, graviter hal-  
lucinantes, è diametro contrarias ac  
repugnantes foveant opiniones; quid  
eventurum putas, si ex solius matu-  
læ inspectione judicandum foret?  
si periculum faceres, & unius ægri  
urinam diversis Medicis contem-  
plandam & censendam traderes, pe-  
nè innumeras ἀντιλογίας tuis auri-  
bus perciperes, & planè obstupesce-  
res, & ipso facto deprehenderes u-  
romantum vanitatem?

Gravis agitur controversia, *num  
ex lotio mulieres gravidas deprehende-  
re liceat?* Negativa nititur experi-  
entia; varias proponunt varii uri-  
narum colores, varia sedimenta.  
Multi tradunt à primo mense usque  
ad sextum apparere citrinas, ad albe-  
dinem declinantes, claras, in super-  
ficie habentes nebulam, in medio  
verò ejus hypostasim, ad modum car-  
minati coli. In medio impræгна-  
tionis tempore, mense sexto & se-  
ptimo, urinas similes esse aquis, in  
quibus pedes vitulorum non exco-  
riati sint cocti; partui vicinarum de-  
scribuntur, ex rubedine spissiore,  
F quæ



quæ si moveantur, facile conturbetur.

Alii ad flocculos confugiunt; alii tradunt, urinis innatare tenui farinæ, vel amylo similia, quæ in quiete deponunt sedimentum, instar carptæ tenuiter lanæ, reliquam jam turbidam existere, aliquantum nitescentem, aut livescentem. Cum igitur tam variæ ac multiplices sint urinæ, colore, substantia, & sedimentis plurimum differentes, & pro diversitate temporum imprægnationis, discrepantes; qua igitur fronte, ex unica allata urina, ilicò imprægnationem divinare auderes? Quid si consimiles urinæ etiam in viris (sicut fide digni authores referunt) conspicuæ, num illos imprægnatos asseverares, & te ludibrio exponeres? Sanè *Bernhardus Paternus*, Pisanus Professor octogenarius tradit, eos maximè decipi, qui istis præsagiis dediti, nec se in ulla gravida tales unquam urinas, quales Avicennas describit, per totam suam vitam observasse, imò in aliis compluribus hominibus se illos conspexisse, asserit. Mira & rara exempla, in testimonium adducta, quam ardua & dubia sit διαγνωσις gravidarum, ex solius lotii inspectione, reperienda in lib. 4. mearum observat. Epist. 21. ut ea hic repetere supervacuum. Addo & sequentiâ ponderanda, si tibi qua-

tuor personarum, uno die consimili morbi genere laborantium, quatuor distinctæ ac prorsus dissimiles aquæ spectandæ offerrentur, exemplo hydropicorum, quorum alius redderet urinam subflavam, alius rufam, tertius albidam, quartus lividam, indubiè protinus tu de planè diversis affectibus iudicium ferres? E converso, si plures urinæ, prorsus similes, in morbis omninò contrariis ostenderentur, exemplo urinæ aquosæ candidæ, qualis in hydrope, lithiasi, in febre quartana, imò ipsa phrenitide, humore bilioso in cerebrum raptò excernitur, an tum morbos consimiles prædiceres, sed longissimè à janua veritatis aberrares & alios falleres?

Quia & dispiciendum, utrum in venosi generis affectionibus, ex urina quidpiam solidi arguendum? Si experientiam ducem sequi voluerimus, ipsa edocebit, in febribus præsertim inconstantibus, fallacia ex in auguria. Annon in his, vel uno die quatuor distinctæ & dissimiles omninò urinæ minguntur? qua igitur ratione fretus, ex unius inspectione, febricitantis constitutionem cognoscere attentares? Ecquis amabo in morbis acutis, qui propemodum omnes febrem continuam commitem, aut sociam habent, soli lotio confideret? Cum in febribus  
malignis.



malignis, ipsa etiam peste correpti, urinas reddant sanorum urinis haud dispares, & hi de vita magis periclitantur, quæ non rarò Medicos seducunt & fallunt, exin conjicientes, ægrum natura victrice omne periculum evasisse. Prout contigit *Philippo Melanchthoni*, Hemetritæo laboranti, ut excreta urina sani hominis simili, cum existimaretur in salvo, septimo paroxismo sit defunctus.

Accedit id, quod de omnibus urinis in universum est observandū, quod præternaturales ritè examinari nequeant, nisi cujusq; urina, dum erat in sanitatis statu, Medico sit cognita, ut constet, quantum à naturali tramite recesserit? At quis reperitur, dum bona fruitur valetudine, ut lotium suum Medico deferendum curet, exin nullo modo resciscet, quantus ægri à naturali statu sit recessus?

Temporis insuper morborum, inprimis febrium, certæ ac definitæ partes constituuntur à Medicis, principium, augmentum, status & declinatio. Quis autem tam bardus, qui non animadvertat, aliam esse dispositionem humorum & partium corporis, in singulis illis temporibus, proin urinam prorsus diversam excerni, quoad colorem, substantiam & contenta, est necessum. Qua igitur audacia & temeritate, ex

unius lotii intuitu, totius morbi naturam sibi compertā esse jactitabit?

Tria autem in ipsa urina occurrunt spectanda, & observanda, substantia, color, & contenta. *Quoad substantiam*, eā vel est tenuis, vel crassa: tenuis micta vel talis manet, vel turbatur. Ita & crassæ urinæ duplex est differentia, vel enim talis micta durat, vel post attenuatur. Urina tenuis sic manens, etsi indicet extremam cruditatem & concoctricis facultatis imbecillitatem, unde morbi contumaciam, in chronicis, in acutis verò magnum periculum præfagire licet; at in specie, quo morbi genere æger laboret, scitu impossibile, & crassa & tenuis, salutem vel mortem, si in principio, vel statu, vel declinatione talis reddatur, & ni Medicus præsens, ut possit ponderare requisita, circumstantias, ex solius lotii intuitu, certi quidpiamprehendere, αἰδύνατον.

*Quoad colores*, catholicum hoc esse, & universaliter verum putatur, albam urinam frigiditatis, rubram caliditatis non naturalis notam; at graviter hallucinantur, & omnium ludibrio se exponunt, qui hac via incedunt: si urina flava aut rubra appareat, ilicò febres aut inflammationes prædicunt; Cum tamen æger ab illis sit immunis; si tenuis & alba conspicua, hydropisim adesse pronunciant,



nunciant, cum non rarò, bilioso humore sursum delato ad caput, talis se ostendet in phrenitide & inflammatione membranarum cerebri.

Accedit, quod multoties urinæ referunt colorem assumtorum, quæ iudicium impediunt, ut crocus, Rhabarbarum, tingunt colore flavo: Erythrodanum rubro: semen ligustri colore nigro: *Scheüvemannus* refert, sibi notum sycophantam, qui semina ligustri suis Medicamentis admiscere solitus, Nobili ægro, ex levi catarrho decumbenti, persuadens morbum lethalem, quem nec ipse Hippocrates curare posset, proprio ipsius testimonio convincens, in prænotione urinæ foetidæ aquosæ & nigrae omnes lethales. Pro majori confirmatione adduxit exemplum Sileni, qui nigras cum subsidentia nigra excernens, die undecimo sit mortuus, quem ipse Hippocrates restituere nequiverit; Nobilis auctoritate Hippocratis territus, mortem sibi imminere credidit, magnis precibus sollicitabat, ut omnem adhiberet diligentiam in medicando, si restitueret, mille aureos coronatos pollicitus, quos etiam pro hac impostura erogavit. In ictericia nigra urinæ passæ visuntur, at tales etiam in inflammatione Epatis conspiciuntur: sani etiam, nedum ægri, vel uno die, quoties mingunt, aliam, atq;

disimilem urinam reddunt, ut in febricitantibus observare licet. Urina nigra lethalis à multis diffamatur, sed observationibus Medicorum constat, eam non rarò salutis nunciam, præsertim si in diebus criticis, Natura victrice, in morbis ab humore melancholico originem habentibus, prodeat, in lienosis & febris quartanæ declinatione, in deliriis melancholicis, in foeminarum menstruorum suppressione.

Refertur de puero quodam scholastico, qui nullo morbo luculento decumbens, urinam minxerit tam nigram, ut qui conspicati, merum esse atramentum putaverint.

Viridis etiam color non semper est index alicujus morbi, ut qui etiam in sanis aliquando prodeat. *Gal. 2. de ratione victus*, in morbis acutis, Cholicos in ediam sustinentes, virides sæpe & igneas urinas emitte assertit. Fuit Medicus, qui cum ejusdem coloris assumtis alimentis, interdum viridem planè urinam excerneret, illam alteri cuidam Medico examinandam miserat, eique ob ignorantiam causæ, lethalem urinam pronuncianti renunciari jusserat, sibi haud insuetam esse ejusmodi excretionem, consimile quid comedenti, cum adhortatione, ne ob solum colorem temerè quidpiam ex urinis effutiret.

Et si



Etsi in genere, quinam humores vitiosi redundant, elucescat, tamen in specie, quo in loco seu parte interiore hæreant, ac subsistant, quale morbi genus concitent, planè est ignotum: si biliosi exorbitent humores, possunt exin causari variæ febres, continuæ & intermittentes, pleurithis, icteritia. Quis tam emunctæ naris, cui tam perspicaces oculi, qui exin specificum morbi genus, & quæ pars affecta, cernere queat? si pituitosi excedant humores, quorum argumenta in lotio obvia, exin possunt concitari variæ febres, quotidianæ, continuæ, & intermittentes, catarrhi, apoplexia, paralytis, & effectus veterinosi: si melancholici humores exuberent, exin emergunt febres variæ, continuæ & intermittentes, quartanæ & erraticæ, obstructions lienis, icteritia nigra, & affectus melancholici diversi, calculosa renum dispositio; quis unquam tam argutus repertus, qui ex solius urinæ contemplatione, ista in specie rimari & indicare potuerit, ni astate & inspirante aliquo genio?

Accedit, quod infinities vitiosi humores in interioribus corporis recessibus impacti hærent, ut in lotio nihil commixtum excernatur, ex in ἀδύνατον, ne in genere quidem certi quidpiam hariolari, quales superflui humores, nedum, quænam sit pars affecta, & qualis ipse affectus?

*Quoad contenta*, ea multiplicia cum urina prodire solent; at ne in immensum mea crescat oratio, solius urinæ pinguis & oleosa mentionem faciam. Exin febrium hecticarum & phthisis præsentiam indicare posse, cum significet colliquationem & consumptionem corporis. E contrario *Gal. 3. de præsig. ex puls.* expressè affirmet, urinas hecticorum nihil certi significare; siquidem adstipulatur experientia, multoties contingere, ut nonnulli cholericis, & quibus obtigerunt renes calidiores, & qui assumerunt pingua fercula, pinguiorem reddant urinam.

Accedit, quod complures phthisici defuncti, etsi planè contabuiscent, ut præter ossa & cutim nihil restaret, nihil unquam pinguedinis in lotio deprehensum. Ex hisce, quæ hæcenus in medium allata, luce meridiana clarius patescit, quàm ambigua & fallacia sint, ex solius urinæ inspectione deprompta vaticinia.

Admodum falsam ac venustam in Uromantes detorquendam historiam, *Iohannes Echti* refert: is enim cum thermas, in pago Porceto, haud procul Aquisgrano distante, scaturientes lustrasset, in Myropolii vestibulo, sculptile morionis idolum conspexit, discolore amictum veste, rubeo capitis galero ornatum, qui dextra manu protensa, adductis labris subridens (id fatuis familiare)



matulam vitream prætereuntibus ostentare videbatur, rei insolentia adductus, officinam Ectius ingressus, à Judæo Pharmacopæo, quidnam ludicrum illud simulachrum portenderet, est sciscitatus, id dedit responsi: se à Patruo, avoque Medicis accepisse, eos Medicos, qui ex solo fallacis urinæ judicio discernere morbi naturam & locum affectum conarentur, huic morioni esse simillimos, qui temerariam illorum de morbis, eorumque causis, ex lotio censuram irrideret. Fortassis haud deerunt, qui tacitè secum mente cogitabunt, aut palàm etiam dictitabunt, experientiam attestari, reperiri non paucos Medicos, qui visâ tantummodo urinâ, non prævia alia inquisitione, aut informatione, ilicò ad amussim referant & denarrent, de morbi genere, & cunctis symptomatis, quibus æger infestetur, ac si lyncei obtigissent oculi, visu penetrantes ad interiora, imò quasi ipsimet considerent in visceribus internis, & coram cernerent locum affectum, morbi genus, cum ejus causis ibidem stabulantibus.

Rogo vos Auditores, per amorem veritatis, ne gravemini coronidis loco audire, meum verum, & sine fūco responsum; Si quid veri de morbi genere & causis abstrusioribus protulerunt, id vel revelante spi-

ritu aliquo familiari cognoverunt, prout reperti Uromantes, cristallomantiam exercentes, vel ex accidenti & fortuito divinarunt, vel ex relatione ejus, qui lotium spectandum obtulit, deprehenderunt. Mira enim uti consueverunt astutia, circumveniendi & fallendo simpliciores, dum nonnullas perconctantur circumstantias, illis fucum non animadvertentibus, eliciunt quosdam sermones, quorum adminiculo ad cognitionem morbi pertingere valeant; id ubi affecuti, dehinc velut ex tripode, cum affectata gravitate, de morbi conditione & symptomatis declamitare solent.

Addo, quod urinam deferentes, plerumque sint ancillæ, aniculæ, & consimilis farinæ simpliciores oviculæ, quæ ob intellectus imbecillitatem, quicquid illis in buccam venit, effutire solent, pro veris arripiunt fallacias, non animadvertentes. Siquidem casu ad veritatis metam collimarint, eos ceu vates ubivis locorum celebrare, & ad cælum usque evehere laudibus consueverunt, si verò aberrarint plurimum, falsaque protulerint in medium, ea ceu indigna observatione, oblivioni tradentes, silentio prætereunt. Prout olim de Oraculis Delphicis dici solitum, quæ vera, deprædicari, quæ autem falsa, eorum neminem recordari.

Mirum



Mirum haud videri debet, quod crebrò & multum loquentibus, interdum nonnihil veri excidat, cum non rarò, qui oculis sint orbat, ex frequenti ejaculatione scopum attingant præfixum. Cum ista *l. 4. medicarum Observ. Epist. 22.* miris & raris sint illustrata exemplis, haud opus ea hic reiterare, ubi velut in speculo pellucido intueri & deprehendere licet, uromantum vanitatem, miras technas & fallacias, quibus rudiores circumveniunt & decipiunt; quò quis in isto genere dicacior, eò fallaciorem certò credas.

Illud inprimis est observandum, quò quis indoctior, & minus instructus liberalium artium adminiculis, ad istas nugas, dolos & fallacias promptior & expeditior. Obtigit enim talibus, quorum ingenia ad literas hebetiora, natura versatilis, ad vaniloquentiam & fraudulentiam prona, ex adverso, viri verè eruditi animus, ab istis næniis perquam est alienus: Siquidem cum vir doctus sit etiam vir bonus, & conscientiosus, cui virtus & veritas magis curæ ac cordi, proin loco piaculi ducit, mentiri, & simpliciores inani dicacitate circumvenire ac decipere. Verum qui candidum & sincerum in pectore suo circumfert animum, nec se assuefacit ad istam vaniloquentiam, ad auram popularem captandam, is velut

rerum Medicarum imperitus negligitur, etsi scientia & felicitate præxeos aliis multum præferendus. *Seneca* quidem ait: Ægrum desiderare Medicum, non eloquentem, sed sanantem; & *Petrarcha* in Epistola ad Clementem VI. Pontificem Romanum, ex morbo decumbentem: se non dubitare, quin lectum suum habeat Medicis obsessum, at suadere, ut unum ex multis eligat, non tam eloquio pollentem, quam fide & scientia conspicuum, eloquentem velut insidiatorem devitandum. Id pronunciatum inprimis in uromantes potest detorqueri, ut qui incidit in garrulum Medicum, is sibi certò persuadeat, totis viribus ipsum eò intentum, quibus verborum lenociniis, quibus phaleris & pigmentis, quibus strophis & figmentis ipsum fallere, pecunia emungere, sibi authoritatem conciliare, & famam parare queat.

Silentio prætereò, cum urinæ ab ancillis & mulierculis insulsis ad Medicum deferantur, quæ interrogatæ de ægri conditione ac statu, non raro ne Gry respondere possunt, & ex hebetudine mentis sæpius contraria, quam à Medico dicta aut consultata referunt, & ita ejus effata non intelligentes, aut falsa narrantes, multoties in causa & culpa sunt, ut curatio sinistrè cedat, & ita Medicus



de fama & existimatione, æger autem de salute & vita periclitetur, & quæ mala præcaveri potuissent, si Medico præsentī cuncta ad rationis suæ dioptram accommodare & curare licuisset. Siquidem cum neque essentiam, neque causas morborum & locum affectum, neque virium robur, aut imbecillitatem, ex fallaci urina indagare & cognoscere, propterea ægros nulla ratione duce & Methodo curare liceat, sed cuncta temeritati fortunæ committere oporteat, fieri aliter non potest, quin frequenter admodum pernicioſa communiceſt consilia; Multi *Democriti* vix sufficerent ad deridendam istorum hominum vanitatem, & *Heracliti* non suppetereſt, ad deſtenda ac deploranda mala, quæ inde conſequuntur. Quis non detestetur tam mendacem Uromantium garrulitatem, & simplicem admiretur credulitatem? Magistratus eſſet officium tam noxiam Uromantiam abrogare penitus, vel ad minus, dextrum & prudens illud *Reipubl. Norimbergensis decretum* superius à me allegatum, omnibus Medicis observandum inculcare. Sed nemo niſi Numine aſſatus, tam pravam conſuetudinem altas modò agentem radices, hiſce in locis extirparit, cum non plebei tan-

tum, ſed & plerique eorum, qui ad *Reipubl.* gubernacula ſedent, in ea hæreant opinione, neſcio quid ſecreti ex lotii inſpectione divinari poſſe, ceu morbi omnes in eo conſpiciantur, quaſi ab aliquo Apelle adumbrati. Cum igitur haſtenus, haud levibus rationum momentis deductum, & ἰφθαλμοφανέως oſtenſum, quam dubia & incerta, quā exitioſa & periculofa ſit uromantia, proin omnes candidè admonitos velim, qui ſuæ ſaluti conſultum cupiunt, & tutò ac rationabiliter curari exoptant, ut quam primum ægrotaſſe cæperint, Medicos in ædes ſuas accerſant, quò non ſolius urinæ per ſe fallacis inſpectione, ſed aliis etiam ſignis pathognomonicis, ipſius morbi naturam & cauſas inveſtigare, cõplexionem & temperaturam indagare, & pulſu vitales facultates explorare, & juxta rationalem Methodum legitimam inſtituere medicatnem valeant, nec ſe dubiæ Fortunæ aleæ concedat, id quod inſerviet ad Medicorum majorem exiſtimationem conciliandam, & ad ægrorum ſalutem procurandam plurimum conferet.



## EPISTOLA XIII.

Ad quendam Juris Candidatum, *contra falsam  
in simulationem Medicorum, quasi ipsis temperatura  
humana incognita?*

CUM nuper in Musæo tuo mihi ostendisses *Tilemanni* historicū Tractatum, ambo haud levi admiratione capti, hæsitabamus, quod inter cætera retulit, *Medicos, aliorum temperamenta inquirendo, sua ignorare*, eamque inscitiae maculam etiam Galeno aspergere non sit verecundatus, isthac conjectura fretus, dum libro de cognoscendis & curandis animi morbis, literis tradiderit: *Ego cujusmodi sim, non facile dixerim, nam seipsam cognoscere, est difficile*: exin intermittere non potui, nec ingratum fore duxi, si Galenum, in primis autem ipsam veritatem, ab injuria vendicarem, palam demonstrando, *Tilemannum* Galeni mentem perperam intellexisse; ad id præstandum eò magis sum impulsus, quod animadvertierim, exin sinistram de Medicis in animo tuo concitatam opinionem, quasi tam sint rerum naturalium rudes, ut ejus subjecti, circa quod curandum quotidie versantur, naturam non habeant exploratam. Siquidem res ita comparata, vix ulla felix ac prospera, & ex ratione pro-

cedens speranda medela, sed temeraria potius ac fortuita contingeret curatio, id quod cum non levi ægrorum exitio foret conjunctum, nec in magno æstimo Medici habendi, si ad hunc modum conditionati.

Sed jam mihi incumbit probandi ratio, Medicos falsò à *Tilemanno* ejus imperitiæ nomine insimulari, quin ipse potius culpandus occurrat, dum illorum scripta in alienum sensum detorquendo, haud rectè intellexit, & aliis postmodum aberrandi occasionem suppeditavit, in devia præcipitando.

Ex ipsius libri Galenici inscriptione (scilicet *de cognoscendis & curandis animi morbis*) luce meridiana clarius patescit, ibi nullo modo tradi viam & rationem, corporis constitutionem & temperaturam investigandi, quin potius animi inquinamenta explorandi methodum monstrari, & præcepta inculcari, quorum beneficio animus vitiiis pollutus emundari, & exin ad regiam virtutum semitam revocari queat, prout etià ex totius libelli contextu, cuivis vel



tantillo cerebro dotato innotescit. Quid enim est morbus animi? nihil certè aliud, quàm δυσπραγία seu intemperies mentis, dum relictis virtutibus, ad vitia sectanda deflectit, dum neglecta Ratione ceu Domina, sese magis cum ancillis velut brutis affectibus commercium habens oblectat. At illa vitia in seipso cognoscere, quàm in aliis observare, multò difficilior videtur. Magna sapientia, & initium felicitatis, seipsum nosse; Exin in vestibulo Delphici Templi consignatum γνῶθι σεαυτόν, cognosce teipsum, quod aliàs sit difficile. Etenim propter innatam φιλαυτίαν, animum circumferimus obfuscatum, ut quales revera simus, cernere nequeamus. In aliorum quidem erratis annotandis Lyncei sumus, at in visendis nostris, vesperilionum instar media in luce cæcavimus. Nostra vitia mantica, in tergo hærenti, inclusa, in nostros non incurrunt oculos, aliena autem de pectore suspensa, in perpetuo observantur contuitu.

*Seneca* de Harpasta sua fatua refert, quod subito desierit videre, nec animadvertens se occæcatam, paedagogum rogarit, ut aliò secum migraret, domum tenebricosam factā; sicut illa cæcitatem corporalem in seipsa non deprehendit: idem nobis omnibus delirantibus obvenit,

ut laborantes cæcitate Mentis, nostra vitia comperta non habeamus, adeò sumus lumine cassi, ut non modò nostra peccata occultiora & latentia negligamus, sed & crimina ac scelera commissa haud respiciamus. *Augustus Imperator*, licet insignis scortator, id delictum in aliis adeò odisse solebat, ut Ovidium, propter libros de amore divulgatos, in exilium relegasse perhibeatur. Omnes Crassi virtutes sola avaritia obscurabat, non minus tamen consimili vitio laborantes valde erat detestatus. Exin inclarescit, verè Galenum scripsisse, *seipsum cognoscere esse difficile*, hoc est, nostra vitia, quibus contaminati sumus, habere perspecta; nec ulla ratione ad corporis temperaturam dictum illud est detorquendū, quasi hujus cōstitutio & natura Medicis esset incognita, cum ipse Galenus, non modò tres libros, de temperamentis indagandis, posteritati reliquerit, in quibus totius corporis crasin in genere explorare docet, sed & ejus elegans extet Tractatus, *Ars parva*, inscriptus, in quo omnium in toto corpore delitescientium partiū temperiem, per certa signa investigare proponit. Hæc cum in rei veritate ita sese habeant, inde perspicuum evadit, haud levi injuria Medicos à Tilemanno affectos, dum eos incusat, falsò pro tantis ignorantia



tiae fratribus proclamando, & publicando, quasi complexio humana illos lateat, ipse potius redarguendus, quod haud probè intellexerit, nesci-

ens distinguere terminos Medicos, temperaturam corporis à *δυσκρασία* Mentis.

## EPISTOLA XIV.

## Ad Philiatrum, de Apoplectico Paralytico, restituto.

**Q**uidam nobilis praefectus, sexaginta annorum, naturæ Melancholicæ, facie livida, barba nigra, totius corporis habitu fusco, cum aliquot vicibus vertigine per intervalla exagitatus, tandem apoplexia sat valida est correptus, terminata in paralyfin totius dextrilateris, brachio cum pede respondente, sensu & motu privatis, accedente stupore cerebri, cum mentis & memoriæ læsione; Cum essem Ulmâ ad agrum evocatus, in conspectum admissus, ipsum offendi haud vacantem periculo. Ad reficiendum obtuli unum vel alterum cochlear sequentis *aquæ Antapoplecticæ*. ℞. aq. Theriacal. Cephal. unciam unam semis. Langii antepilept. drachmas decem, spir. lilior. conval. unciam semis. confect. Alkerm. drachmam unam, Sacch. d. candi. drachmas duas. *Aqua cordialis* expetita, ordinata & laudata, ℞. aq. borag. bugl. ana unciam unam semis. ceras. nigr. lilior. conval. ana drach-

mas decem, cinnam. rosar. ana drachmas sex. Marg. præp. scrupulum unum. bezoar. orient. grana sex, Manus Christi drachm. sex. M.

Naribus applicetur sequens *balsamū*. ℞. bals. Rut. Succin. ana drach. semis. M. De Bals. Apopl. vertex inunctus. *Nodulus* exiguus concinnatus, ex Sindon. alba, cum nuce musc. gal. minor. & cinnam. crassè incisis seq. infusa aqua & sæpius naribus admotus, ℞. aq. odorif. unciam sem. vitæ Fuchsi drachm. duas. cinnamom. drachm. unam. M.

Ad corpus evacuandum & depurandum à spurcitie phlegmaticorum & serosorum humorum, *πύλος* illud invehentium, sequenti matutina obtuli drachmam unam *puly purgantis*, ante annos complures ipsi ordinati, cum haustu hydromeli dissol. (cujus descriptio reperitur in meis observat. p. 127.) & fanè sat larga operatio secuta, cum notabili allevatione. Aliquot dierum intervallo



post, ordinatæ *pilula*, ℞. Extr. pil. cochl. Aur. a. scrup. unum. Extr. Panchymag. Crollii scrup. sem. cum aq. beton. fiant pil. xxi.

Corpore probè emundato, proposui *hydroticum*, ex semine Milii. (Syrupum S. Ambrosii dictum) excorticati, & obsequium præstitum felicissimo successu, per decem matutinas continuandum. ℞. Sem. Milii excort. unc. duas, decoq. in aqua. unc. octo ad crepaturam, decolat. ℞. unc. quat. vini gener. unc. duas, per x. matutinas assumit, per bihorium in lecto sudavit, & motum in brachio & pede recuperavit, ut sat commodè incedere, cibum ipse capere, & scribere etiam potuerit. Quam insignem vim hydroticā habeat ille Syrupus, ex *Epistolis Medicinalibus Scholzianis* constat, proposito exemplo cujusdam Abbatis, qui in affectu nervorum dolorifico, exteriora membra occupante, decocto sarsæ parillæ per viginti quinque dies usus, absque ullo sudoris elicio, sed oblato illo Syrupo, tam copiosus sudor eruperit, ut convaluerit: exin etiam plurimum præstat, in tumoribus exteriorum partium, ipsa anasarca resolvendis: habet facultatem ciendi sudorem, benignam, citra ullam offensionem virium, non igneam, prout decocta hydrotica, ex lignis præparata.

Quantoperè hydrotica, dextrè adhibita, in affectibus nervorum conferant, illustre nuper specimen edidit, nostra in urbe, quidam Empiricus, qui beneficio Laconici, forma grabati parati, subdito vasculo æneo, decocto herbarum repleto, candentibus silicibus in eo extinctis, largo sudore provocato, quandam virginem patritiam, paralyti chronica detentam, duabus vicibus thermis ferinis usurpatis, irritò effectū, ut de salutē planè desperatum, sed mediante illo laconico ita est restituta, ut sine sustentaculis incedere potuerit.

Multi Medici præscribere soliti *aquas arthriticas*, pro inungendis partibus resolutis, rarò cum optato successu, & cura longius protracta: exin serosiores ac tenuiores tantum humores, in nervoso genere hærentes, aliquantum resolvuntur, sed crassiores partes magis indurescunt. Si conjuncta materia mucilaginosæ, magis afficiunt quam proficiunt. Videtur magis proficua in paralyti, per *πάρεση* ex colica concitata, quam ex Apoplexia pronata.

Cum querela de sensu frigoris in latere affecto, ℞. aq. Arthrit. Augustan. uncias tres, spir. Cephal. Anhalt. drachm. tres. M. calidè inungebat, haud notabili levamine, sed magis visa proficua aqua Juniperina, bis in die calidè perfricando.

Cum



Cum & naturæ Melancholicæ, ob humoris vitriolati qualitatem, sint proclives ad convulsiones Epilepticas, sensiles partes vellicando sua acrimonia, & expultricem facultatem extimulando, ad rem inimicam amoliendam, exin ille aliquoties per intervalla assultu Epileptico est correptus. Ad malignam qualitatem infringendam, & paroxysmū avertendum, ubi ejus sensit invasionem, exhibitum, cochl. unum. R. aq. Hirund. cum castor. theriacal. ceph. an. drach. sex, Antepilept. Langii drachm. x. succini alb. præp. scrup. i. Sacch. cand. albi drachm. duas M.

nares inunctæ balsamo rutæ & succini.

Cum haud levis querela de memoriæ imbecillitate, ad eam corroborandam accommodatum expetebat præsidium. R. Spec. diamosch. dul. diaphir. cum mosch. dianth. an. drach. i. conf. Anth. Beton. an. unciā i. sem. cum syrupo de stech. secundum descriptionem Fernelii, quantū sufficit, fiat electuar. liquid. singulis matutinis nucis muscatæ magn. sumsit, & ex voto successit, cum cerebri confortatione, & memoriæ revocatione.

## EPISTOLA XV.

### Ad Primarium Medicum cujusdam

Reipubl. Imperialis.

### *De Febre Erratica.*

Cum quidam vir primarius Ulmenis, cum sua conjuge quinquaginta annorum, ad suam diocesin, Eysenburgum, aliquot milliarium intervallo distantem, se recepisset, illa febre maligna, cum vehementissima tussi, pene diu noctuque durante, magis ipsa febre molestante, & corpus exagitante, est correpta, ab ea immunis reddita, successit febris intermittens, admodum versi-

pellis & instabilis, nullam certam periodum observans; potuisset eludere & fallere quemvis sagacissimum Medicum, in sua crisi, ut ex intermittentium genere, tam gravi symptomatum συνδρομή stipata, veteranis etiam Medicis rarò spectanda & curanda obveniat. Febris illa quotidie invadens, cum tertia die ingravesceret, primitus visa typum tertianæ æmulari, & aliquandiu ab extra-



neis Medicis tractata, nec cederet, & ægra Ulmam rediisset, singulis diebus hora secunda nocturna invadens, citra ullum horrorem & rigorem, paroxysmo perseverante, calore sat intenso, usque ad horam secundam pomeridianam, & tum demum prandium sumere est solita, sudores insuper diurni & nocturni admodum copiosi erant molesti. Quin febres consimiles erraticæ, suum exordium atque proventum habeant à putredine, ebullitione ac fervore humorum phlegmaticorum & choleri-  
corum, in ventriculo & mesenterii regione stabulantium, conjectura indubia, vel exin capienda, quod penè per totam febrilem durationem, etiam extra paroxysmum, gravamen & haud parvam molestiam sensit in scapulis & summitate dorsi, ob consensus Pylori, à crassitie & lentore humorum gravati. Cum os ventriculi inferius Pylorus, vergat ad latus dextrum, quemadmodum os superius ad latus sinistrum. Quod autem dolente ventriculo dolor sub scapulis sentitur, contingit propter sympathiam, cum os ventriculi superius ad septimam vertebra[m] spinæ dorsi sit alligatum. Ubi ægra illa ad nos reversa, ad humores pituitosos, cum bile mixtos, evacuandos, cum in assumendis remediis immorigera & nausebeanda, ordinavi. & Magist.

radic. Jalapæ gr. xii. Ess. Scammon. gr. iiii. Syr. acid. citr. drachm. vi. M.

Id ob jucunditatem & felicem operationem cum *εὐφορίᾳ* adeò laudatum & gratum, ut deinceps aliud medicamento genus admittere recusarit, etsi suaderem, ut postmodum per certa intervalla uteretur pilulis benignioribus, materiam morbificam per *ἐπιήκασιν* subtrahentibus, ad causam antecedentem sensim avertendam, ne faceffat, inconjuncta, & fomitem febris subministraret, sed parere renuit; cum febris illa invaleret absq; ullo horrore, indicium, fomitem febrilem consistere in venis meseraicis, ibidem putrescentibus vitiosis humoribus, nec transmissis per habitum corporis; exin clysteres ad materiam per alvum revocandum, admodum contulissent, si ægra obsequium præstitisset, aut menstrui spacio post prædictum medicamentum est reiteratum, sat larga subsecuta operatione, sine ulla virium offensione, inprimis autem sat magna copia phlegmatis crassi & viscosi, cum bile mixti, per vomitum est rejecta, exin compressio illa sat diu molesta in scapulis & dorso recessit, & febris indies magis decrescens, tandem ultimum vale dixit.

Quod autem ægra in assumendis remediis minus obsecundans, à quibusdam visitantibus persuasa, istam



istam febrem fore chronicam dictitantibus, & ultra annum duraturam: Idem quidam Doctor Juris cognatus confirmabat, suo Exemplo referens, se cum Argentinæ studiis incumberet, febre intermittente correptum, quæ à Medico illic primario ante tres anni quadras curari non potuerit, etsi abliguriendis pharmacis promptus, nullis sumptibus percerit, ultra centum florenorum summam exponere sit coactus. Exin & mihi haud consultum videbatur, ægram illam gravare & molestare copia Medicamentorum, quin potius sollicitus, de ordinanda accommodata diætâ; præsertim cardo felicitis medelæ videbatur consistere in convenienti potu, præ cæteris laudabat decoctum cichorii exiccati, & saccharo pro libitu dulcoratum, id sibi admodum profuisse, prædicabat; cum sit Epaticum, vim habens diureticam, deobstruentem & bilis extergentem. Cum sudores diurni & nocturni sat copiosi, infesti, & quorundam suadela illos inhibere tentaret, confractioem omnium membrorum sensit, cum metu impendentis hydropis & dyspnœiæ. Etenim cum potulenta materia assumpta, ad ἀνάδοσιν ac distributionem chyli inserviat, exin haud infcite ab Hippocrate ὀξύμα τῆς τροφῆς vehiculum nutrimenti dictum, id ubi suo

munere, à natura destinato functum, renes cum venis emulgentibus attrahere, & per ureteres ad vesicam deponere sunt soliti, sin verò vel imbecillitate virtutis attractricis, vel obstructione viarum urinalium impediti, quo minus serositates ad renes pertingere valeant, tum natura illa molestia se sublevare, & istas superfluitates per habitum corporis, & cutis emunctoria, poros ac meatus, exterminare contendit. Siquis istum Naturæ conatum & motum remorari labore, quin materia illa interius regurgitans ac restagnans, multò graviora ac periculosiora concitet symptomata, ipsa αὐτοψία & ἐμπειρία testimonium ferant; non consistit in ullius Medici facultate, Naturæ imperare, ut se ad illius nutum & consilium accommodet, exin cum ex duobus malis minus sit eligendum, an non consultius, naturæ nonnihil indulgere, & sudoris effluvium liberum relinquere, quàm in multò exitiosiora symptomata præcipitare?

Cum ægra per aliquot menses abstemia, detrectans, vel unicum vini haustum admittere, de magno incendio quiritans, nihil miri, quod diutius sudoris molestiam sustinere sit coacta; Etenim cum vinum haurire capit, sudoris effluvium desit, cum id habeat vim diureticam, pervias



vias urinales transiens, aqua verò, ob crassiorem consistentiam, & frigidiorem qualitatem, diutius in venoso genere cunctetur, nec ad renes transmissa, quin tandem exitum molita per habitum corporis.

Res mira etiamnum hodie, quoties aquam urgente siti bibit, sudoris eruptionem percipit, id ad vini haustum non contingit, ob fervidiorem lienis & hepatis dyscrasiam; aqua ilicò attracta, & per venas delata exudat, vinum autem ob vim diureticam, ad venas emulgentes delatum & raptum, per vias urinales excernitur.

Quod autem ægra tam contumaci ac rebeli febre exagitata, calore incertis intervallis, diu noctuque recurrente, causa haud immeritò rejicienda videtur in fluorem menstruum, ob declinantem ætatem suppressum, exin massa sanguinea, excrementitiis biliosis humoribus inquinata, remansit, præsertim in venis meseraicis, quorum fervore tantum incendium; cum ante semestrecochlear unum passularum majorum laxativarum, secundum descriptionem Augustanam oblatum, alvi referendæ gratia, post duas horas per secessum vitiosi humores excreti, quin & materia sursum ad ventriculum delata, & per vomitum rejecta, adeò fervida, ut quasi ignea perce-

pta, haud dubiè ab humoribus deustis, & atræ bilis qualitatem vitriolatam æmulantibus, proveniens.

Febris illa curatu difficilior, cum nullum ordinem servarit, exin nec ullus ordo observandus in exhibendis alimentis, nec medicamentis; quin & cum calores non naturales ægra ibi molestos senserit, etiam paroxysmi tempore præterito, incerto intervallo infestantes, ut haud levis oborta conjectura, febris hæcticæ symptomaticæ copulam præsentem. Istius febris Ideam, ob raritatem symptomatum, & medicaminum, cum Philiatris communicare, haud ingratum fore duxi. Ad mitigandum & abolendum gravissimum & molestissimum illud febris continuæ symptoma, Tussim, quæ cōcitata à crassis & lentis humoribus, branchiis & rasis pulmonum adhærescentibus, & naturam ad excretionem stimulantibus. R. aq. scab. uncias III. Hyss. Veron. an. unc. II. chærofol. thussilag. unciam. I. sem. Syr. liquir. unc. I. sem. Juliop. drach. VI. Sacch. cand. albi drach. VI. M.

Istam aquam pectoralem ægra summè prædicabat, ni ad manum fuisset, sibi moriendum putabat, exin materia phlegmatica viscosa, ad expectorationem prompta. Etsi aliàs in familiari usu, & in affectibus pectoris, cum non exiguo fructu aquæ illæ



illæ cum saccharo candi mixtæ, sed ubi prædictos syrupos admiscere coepi, multò præstantiorem effectû, observavi, etiam in prunella alba abigenda, abstergendo lentas fordes, faucibus adhærescentes, & ad excretionem in copia promovendo, Deo optimo Maximo tacita mente demissas gratias egi pro suggestione.

Soli DEO Opt. Max. Gloria & gratiarum actio, supplici voce & mente dicenda, pro variis & immensis in me collatis beneficiis, ab incubulis usque ad annum præsentem ætatis octogesimum sextum, sat sal-

va corporis valetudine, & mentis constante, & quod tam diu sospitem in vita conservare benignè decreverit, dum observationes Medicas pangere, & absolvere, ex insperato mente mea excitata ad calamum sumendum, relicto honesto nominis mei encomio, & mortalium commodo; sed cum fama & omnia mundana, sint vana & fugacia, gratia divina potius suppliciter imploranda, ut obtingat memoria non momentanea, sed in ævum duratura, in patria cœlesti comparanda.

*Quæ sequuntur, ad Epistolam I. pertinentia, seriùs  
in manus Typographi venerunt.*

**Q**uinpro coronide tria tantùm objecta à meo adversario, mihi proposita, diluenda subijciam, operæ pretium duxi. *Primum* de usu vesicatoriorum, in febribus malignis. *Alterum* de aqua Plateriana, num in peste proficua? *Tertium* de venæ sectione in febribus reliquis.

*Quoad prius*, tum ille in Indice pharmaceutico pagin. 101. mihi ob-  
strepit: *Vesicatoria in febribus malignis magnum adferunt solatium, rینگه Thonero sine ratione, quia non expertus ea damnat.* & pag. 25. *Iurare possum, unico hoc medio, plerosque rationi redditos.* Quanta sit contro-

versia & altercatio inter primarios etiam Medicos, *utrum vesicantia in febribus malignis sint applicanda?* pro & contra, magna animi contentione dimicantes, vel tyronibus Medicis est cognitum. Haud abs re existimo, ea hîc referre, quæ *Gerardus Columba*, Medico-Philosophus eximius Siculus, lib. de febris pestilentis cognitione & curatione, tradidit: *Grassante pestilentia in Sicilia, ea correptum Filium, Iohannis Francisci, Iustitia Præsidis; ad opitulandum convocatos septem Medicos cum Gerardo Columba, cum multis præsidiis frustra administratis, morbus increfceret, co-*



na & delirium indies vehementius infestarent, ceteris non conferentibus, tandem vesicatoriorum applicationem fuisse propositam, ceteris approbantibus, se solum restituisse, rationibus haud frivolis adductis; sed majorem numerum prevaluisse, ut vesicantia admodum sine fructu, quin alvi fluor desierit, coma & delirium increverint, morbo vehementiore apparente, ut tandem accersito Francisco Bisso, totius Sicilia archiatro, communi omnium voto, sectis manu venis sanguis extractus, quo tandem ingenio Natura adjuta, iterum ad alvi excretionem reversa, per inferiorem humorum depositionem, morbum indicavit. Penè eodem tempore, peste in Academia Patavina defæviente, eandem de vesicantibus contentionem exortam, inter Herculem Saxoniam & Alexandrum Massanum, illo approbante, isto autem vehementer repugnante. Cum igitur tanta sit principaliorum etiam Medicorum de vesicatoriis applicandis in febribus malignis, digladiatio, quis se arbitrum interponere, & certi quid definire auserit? exin nihil miri, si & illius opinio à mea sententia dissentanea. Cum enim in meis observationibus casum famina, febre maligna cum delirio laborantis, proposuissem, cui ab alio Medico juniore vesicantia adhibita, sinistro successu; cum magna præcedente que-

rela, de inflammatione cerebri, supervenientibus convulsionibus epilepticis, sit extincta, & simul etiam ex complurium aliorum numero pauci, quibus illa applicita, salvi evaserint, proin aliorum vestigiis territus, alios æmulari, & dubiam fortunam experiri, haud consultum duxi. Huic sententiæ, rationi & experientia consentaneæ, ille planè contrariam proposuit, se ringente Thonero, qui sine ratione illa damnet, quia non expertus. & se jurare posse, pletosque agros, illis admotis, Rationi redditos. Sed audiat ille benigno animo, hocce meum sine fuco responsum. Poteritne jurare, salva conscientia, agros illos solius illius medicæ (vesicatoriæ) ope, rationi redditos? Sed pernego consequentiam. Cum penè infiniti, febribus malignis obsessi, à gravissima paraphrenesi & deliriis immunes redditi, sine ullius vesicatorii adminiculo, per hypnotica, alterantia & alexiteria hydrotica. Cum enim illarum febrium scaturigo proveniat à putredine, fervore ac ebullitione biliosorum & serosorum humorum, exin phloxosi concitata, & massa sanguinea incensa, cujus effumatione cerebri meninges labem concipiant, exin deliria emergant, & Mens corrumpatur, sed febre emendata & humorum ebullitione sedata, deliria tanquam symptoma-



symptomata consequentia, ultrò recedunt, per refrigerantia qualiacunque & malignitati resistentia. Exin ille se & alios vana persuasione fefellit, fallaciam causæ non causæ commisit, dum illi ægri æquè resipuissent per alia media, humorum fervorem compescentia. Annon mea ista ratiocinatio veritati magis consona? Candidis Philiatris, absque præjudicio ponderandum committo. Infiniti penè comatosi & delirantes in integrum sunt restituti, absque ullius vesicatorii ope. Si ab usu vesicatoriorum illi ægri à meo antagonista rationi redditi, fortassis iste effectus potius assignandus aliis in simul adhibitis mediis, & in declinatione febrium illa fuere administrata, Natura jam victrice, morbo pessundato, ille deceptus, solis vesicantibus salutis causam ascripsit.

Totaliter vesicatoria non rejicio, quin interdum urgente necessitate, si lethargus vel paraphrenesis superveniat, cum discretione & cautela admitto, præsertim si obtingant ægri crasso, agrestiore & robustiore corpore præditi, non molliore & delicatioris Naturæ dotati, abhorrentes à medio tam dolorifico, quales mihi obvenerant, cum quibus cautè, non temerè est procedendum, ut haud opus illa suggillatione & scopctica objectione, *me damnare illud medi-*

*um, quia non sum expertus*, cum mei patientes benignioribus medicamentis fuerint menti restituti, ut ad tam inconcessa descendendi, nulla compulerit necessitas: per cantharides ille corpora ægrorum transfodere pergat, & sua miracula edat! Ego abiturio!

Qui mea, bona intentione consignata admonitoria, spernunt, aut negligunt, fusque deq; fero, & cuiq; liberum medendi processum, pro cuiusque discretione, permitto.

Quoad alterum objectum, *de aqua pestilentiali Plateriana*, meus adversarius in sua rhapsodia pharmaceutica, me intactum relinquere non potuit, quin beneficium suum in me affectum exercens, prodiderit. Cum illam non ubivis locorum & quibusvis hominibus ordinandam tradidissem. Ille se continere non potuit, quin calami sui acumine me pungere haud dubitarit, hisce formalibus: *Hanc aquam præstantissimam damnat Thonerus, quia Memmingenses eam vomitu rejecerunt, & quia N. pater scilicet, eam commendat.* O falsissimam insimulationem meritò haud prætereundam, cum commendarim illam potius in peste proficuâ, quod esset ex selectis concinnata alexiteriis malignitati resistentibus; sed cum palato ingrata & Naturæ adversa, si obtingant ægri  
H 2 delicatio-



delicatiores & nauseabundi curandi, illam locum habere non posse, idq; ostenderim exemplo *Memmingensium*, quibus, Medici Plateri auctoritate fretis, à Ministro pharmaceutico suam tùm operam in officinam illic locante, id mihi relatum. cum aquam illam præparatam civibus offerre attentassent, ipsi verò ob injucunditatem averfantes, retinere non possent, à cœpto desistere, & illius usum intermittere sunt coacti.

Quæ dementia, in morbo tam præcipiti ægros compellere ad remedia assumenda, brevi post revomenda, cum sicut in bello bis peccare non licet, quin Mors succedanea: ita & in peste alexipharmaca oblata, ilicò vomitu reddita, irrita operatione, forent funesta. Annon prudentis Medici est, se accommodare ad palatum ægrorum, si velit exoptato potiri successu? prout magna mihi facta est injuria, me aquam illam damnasse, sed tantum cum discretionem usurpandam, & istis subjectis præscribendam consuluisse, quorum stomachus ferre, amplexari & retinere valeat. Accedit, quod pestis indoles sit varia, ut nulla certa antidotus comperta; quæ una in peste contulere, in altera obfuere, in causa venenatæ qualitatis diversitas. Quemadmodum enim non omnia

venena antidoto profliganda, sed cuique peculiare destinatum alexiterium: ita pestis non est uniformis, ut aqua Plateriana in ea perdomanda, possit adferre par præsidium.

Exin contingit, ut si ingruente aliqua peste, Empirici, ejus Ideam non observantes, aut artificiosa conjectura non assequentes, sinistra medicatione, magna edita strage, multa millia ad Orcum mittant. Si quis candido animo meam *observationem lib. 1. pagin. 67.* perlustrarit, rei veritatem & meam innocentiam deprehendet, & illius carpendi libidinem cognoscet.

Quò exactior censura, adhibendâ aquam illam degustare libuit, proh Deum immortalem, quàm Naturæ ingrato sapore abominanda? & cum ejus dosis ab uncia una, ad uncias duas designata, quis nî coactus, deglutiret tantam copiam? penè Mors optatior; qui fidem abnuvit, experiatur, mihi in votis, ut ipsi una vel altera uncia absorbenda obtruderetur. Si sano & robusto homini oblata, tantopere inimica, & respuenda, multò magis infirmo & peste infecto, cujus stomachus aliàs imbecillior, & ad nauseam proclivior, in capiendis alimentis, nedum ingratiss medicamentis.

Addo, quod aqua illa cum discretionem sit ordinanda, cum constet



ex ingredientibus admodum calidis & valdè amaris, vino infusis, & destillatis. Quin in calidiore & delicatioris corporis constitutione, & luculenta febris conjunctione sit noxia, quis refragari ausit rationi & experientiæ? cum in consimilibus egris, *aqua illæ vitæ*, meritò *aqua Mortis* sint nuncupandæ, prout in meis observationibus *libr. 1. pag. 67.* exemplis notatu dignis est comprobatum. Qui istam limitationem non observat, infelicitè curat.

Quoad alteram rationem, quod aquam Platerianam damnarim, *quia eam Pater ipse commendavit*, quasi contradicendi studio & affectu emulationis in Patrem, illam improbarim.

O vanam præsumptionem ac suspicionem! O ridiculam rationem! qualis per insomnium mihi haud obvenisset. Etsi simultas aliqua inter nos intercessisset, num propterea aquam illam, per se laude dignam, in odium Patris reprobare par ac æquum fuisset? absit procul à me tantæ levitatis crimen. Proin vana Filii est conjectura. Cum Pater me semper quoad vixit benevolentia affectu visus complecti, exin illum vicissim dilexi, & debito honore respexi, à neutra parte causa offensionis subministrata.

Hæc, cum in rei veritate ita sese habeant, æquis lectoribus pon-

derandum committo, quid de mei adversarii falsis & leviculis objectionibus & machinationibus, sit judicandum? Si falsa affingere fas, quis posset permanere securus ab insidiis & ictu virulento calumniatorum?

Unum adhuc diluam objectum, *de Vena sectione, Vtrum ea in febris malignis sit administranda?* ille falsò me simpliciter reprobare asserit: sed obtestor benevolum Lectorem, adeat meas observationes, & *l. 1. observ. 33. inquirat*, deprehendet, istam questionem tam perspicuè tractatam, ut vix apud alium Authorem extet planior. Exin patescit, me non simpliciter damnare sanguinis emissionem, sed quibusdam limitationibus propositis approbare. Si febris (cum dentur gradus malignitatis) non admodum maligna, si adsit plethora, imprimis si respondeat virium robur, si fomes febrilis resideat in venis, haud procul à corde distantibus, & in principio, febre non ultra biduum molestante, sanguinis depletionem esse admittendam; sed non copiosam, præsertim in Germania & nostro districtu, ubi homines abundant sanguine crudiore, liquidiore ac ferosiore, non tam crasso & compacto, prout Itali & Hispani, nec tam calida complexione præditi. Cautè igitur ac circumspectè erit procedendum, non temerè ac indiscretè



cuivis, in quovis febrium genere & tempore, venam esse aperiendam. Si meus ille haud benignus criticus, præcitata observationem rectis oculis mentis intuitus, dimoto privato affectu, cum attentione legisset, vel etiamnum perlustraret, in animo suo fateri cogeretur, mihi factam injuriam.



## INDEX EPISTOLARUM.

### EPISTOLA I.

*Apologetica & querula, contra quendam extraneum Juvenem Medicum.* pag. 3.

### EPIST. II.

*Ad quendam primum Medicum de prunis; Utrum eorum usus noxius, & dysenteriam concitet?* pag. 7.

### EPIST. III.

*Ad amicum, Quanti sit æstimandus Medicus Rationalis, & aliis præferendus?* pag. 8.

### EPIST. IV.

*Utrum in febribus continuis vini potus sit concedendus? ad primum Medicum.* 10.

### EPIST. V.

*Ad quendam Medicum, de Uromantia.* 11.

### EPIST. VI.

*Ad Philiatrum, Censura de Panacea Chymicorum.* 12.

### EPIST. VII.

*Ad quendam primum Medicum, cujusdam Reipubl. Imperialis. Censura de Helmontii opere.* 16.

### EPIST. VIII.

*Ad eundem, de eodem. Paradoxa, de Catarrhi deliramentis, & infantum pulmentis ex cerevisia, refellens.* 19.

EPISTOLA



# INDEX EPISTOLARUM.

## EPIST. IX.

*Ad eundem.* Utrum bruta sint ratione prædita? 28.

## EPIST. X.

*Exhortatio ad Galeni monumenta perlustranda, quantopere id studium Medico sit fructuosum?* 31.

## EPIST. XI.

*Ad filium meum M. Fridericum Epistola Encomiastica, cum solamine mixta fratris Nathanaëlis, artis Paoniae studiosi, & officinae Pharmaceuticae Wittebergensis Provisoris, haud pridem vita functi.* 34.

## EPIST. XII.

*Contra fallacem & mendacem Uromantiam.* 37.

## EPIST. XIII.

*Ad quendam Iuris Candidatum, contra falsam insimulationem Medicorum, quasi ipsis temperatura humana incognita.* 49.

## EPIST. XIV.

*Ad Philiatrum, De Apoplectico Paralytico restituto.* 51.

## EPIST. XV.

*Ad primarium Medicum cujusdam Reipubl. Imperialis, de Febre erratica.* 53.

*Ad Nobil. Excellentiss. & Experientiss.*

*Appendicis hujus Auctorem.*

**M**Uſarum ſummus Cultor, THONNERE, vocâris;  
Cum TUA membra quaſi perſſet Apollo ſagax;  
Fama tui calanii terras perſtringit & auras,  
Cui fortuna favet, quemque perenne fovet::  
Tollantur ſummis TUA nomina laudibus alta,  
Gloria nec pereat, dumque viget, vireat;

Nc.



Ne fugiant NOSTROS hæc Themata sollicitaris  
Pectore, Compendi, significasque modum,  
Singula quô possint præstanti dogmate nosci,  
Notâ cum praxi convenienter agi.  
Det TIBI longævi Rex summus Nestoris annos,  
Quique quatit Terras, protegat incolumem.

**D**as rund bezirkte Feld des schwarzen Erdenkreiß/  
Das soll / wie billich ist / erheben Ewern Fleiß/  
Mit Lob und danck zugleich; Und dieses thun die Gaben/  
Damit Euch die Natur und Gott bereichert haben/  
In dem Ihr die Arzney als eine Mawr umbringeret/  
Und Ewre Stimme gleich als ein Posaune klingeret/  
Auff daß Sie von Unruh nicht könn' verderbet werden/  
Noch durch Unachtsamkeit verscharret in die Erden;  
Ihr helffe erhalten Sie bey Ihrem Ehren Glanz/  
Daß Sie bescheinet würd auff Erden je und ganz.  
Der Herr der Wolckenburg woll' Euch die Müß belohnen/  
Und Ewer miltiglich mit Creuz und Trübsaal schonen.

*Hæc Observantia ergo  
scripsit*

Eberhardus Gockelius,  
Med. Stud.

F I N I S.















